

西巖先生詩集序
予病起趨

闕取道錢塘訪顧進士思益氏
於其家道舊敘濶之餘手詩集
一編示予曰此先君作也先君

宦履前後垂三十年跋涉幾萬里率獨往不以不肖隨以故稿多散逸此其僅僅存者不肖懼其久而浸失之無以示後人是以板而藏之家而以茲序待足

下久矣予聞思益之言不覺竦然以為有合於孝思之義也當西巖公守吾惠時予年始成童公取而養之於庠及予丁卯舉於鄉歲庚午過錢塘拜公於家

于時思益亦領賢書矣公宴予甚歡今十餘年所矣予與思益雖前後成進士而公已捐館舍謦歎不可接而誦是詩若將見焉第自愧固陋不足以序公之

集然蓋親見公在惠時嘗集公大父澹江翁詩命善書者書成擇梓工之佳者刻之至於刷裝莫不極其完緻蓋其視先澤敬慎如此宜後人之有興也今思

益收存公之手澤亦然則顧氏之家學吾知其永永不墜也已昔司馬溫公序薛氏河汾集其言曰文之精者無如詩故觀其詩其人之心可見矣今人親沒

則畫像而事之畫像外貌也豈若詩之見其中心哉信哉斯言則思益之所以存其親者不亦大哉是宜述之以告夫為人子者若夫公平生懿行善政吾郡

業已尸而祝之不能縷述所謂
觀其詩而可見者也

萬曆甲申季冬之吉歸善門人
楊起元頓首書

奉

天承運

皇帝制曰國家課錄臣勞本原文訓即布衣
沒世得疏榮焉矧以屏翰蕃宣之臣而
有濟美象賢之子可無後命以示追褒
爾原任貴州布政使司左布政使顧言
乃南京禮部精膳清吏司署郎中事主
事汝學之父奮跡甲科歷官郎署出分
符竹周踐臬藩羔羊比其素風甘棠留

其遺愛丘園方賁朝露溘先績未究於
當年經獨傳于胤嗣睠此郎闈之俊彥
寔為清白之後人是用贈爾為通奉大
夫錫之誥命於戲錫圭受瑞生躋岳牧
之榮委祉儲祥歿食箕裘之報尚歆綸
寵永賁泉扃

萬曆十七年九月十五日

廣東惠州府志列傳

顧言錢塘人進士嘉靖三十六年知惠州府
長於文學脩儀度礪廉隅躬儉約省浮費
條下禁革屬縣勉共守之藩司檄取料金
倍於常額二千餘兩言見民窮不忍加編
請以鹺贖拉補有欲增鹽鐵橋稅者力陳
其不可其加意寬卹皆此類也是時承平
久百姓不識兵革武夫習于純綺士絃誦
工文藝則以太守為師冠始萌芽上下玩

不為意遂日熾其三年增築城垣其四年
寇破涌口營鹿游岡報至言離次問故棟
實不為害其五年奉

命征剿調集兵餉聽兩大姓策悉撫之自是
良民禦賊見謂激變寇毒日肆地方日不
可為言初意蓋謂兵力寡弱賊勢猖獗暫
撫之而徐議其後不謂蔓延自此始言自
以為焦勞於中食不下咽卧不安枕匪虛
語也其六年擢本省副憲代者數人訖無

如寇何延至萬曆元年始平惠人牙遺而
已言持身端潔秉心平恕丰采凝然可度
政令俱有體惠民雖有寇賊之害而終德
之猶人子自嬰疾病無有父母怨者去後
為立祠祀之官終貴州左布政使家不改
寒素云

惠州府前守西巖顧公生祠記
惠之大夫士若民建

前郡守西巖顧公生祠于湖上歲久圯壞且
其地傾斜弗雅觀大夫若士民又謀所以新
之僉曰城中舊南隅社學頽久矣往歲姑改
為尚書殷公平寇碑亭今其碑可移置湖上
附殷祠之側以其地改建顧公祠良便况距
府前僅百武表崇陰而歌麥穗陳往軌以昭
來躅亦竒事也相率以告予予曰嘻厚矣顧

工料安從出乎僉曰取舊祠之剩材兼此亭之遺礎於新構思過半矣特匠石之費須議處爾予首肯之於是王公宅松李公東石李公文軒畫為規制二媿君伯仲則鳩工集材悉力任之予前後助以束矢之金若干兩閱三月告成為門二前堂後亭堂之前左右各有小廡丹青煥若尸祝之儀咸備余覽之既歎惠人當多故之後能新此兩祠厚道甲天下又自愧景殷功而媿顧德邈乎其未逮也

為之置守祠二人范曰祿黃雲寵給照以司齋鎖洒掃免其地方夫役庶垂久遠夫召伯之棠去後尚能令人勿剪今顧公方隆勲業後之君子寧有視其祠而不加之意者哉
皇明萬曆四年歲在丙子冬十一月望日惠州府知府蘄水九疑李畿嗣書

明通奉大夫貴州布政使司左布政使西巖

顧公墓誌銘

賜進士出身資政大夫太子少保吏部尚書
致仕前南京工部尚書都察院右都御史
掌院事節奉

勅總督漕運兩廣軍務巡撫陝西廣西直隸
鳳陽等處地方兵刑二部左右侍郎同邑
張瀚撰

公諱言字子行別號西巖其先夏殷時封

伯於顧後因為氏世居汴扈宋南渡占籍
仁和元季有編脩節孝廉臣文學德行是
為顧氏開先臣生義義生銘銘生文淵博
學攻古文詞有滄江集四卷藏家文淵生
東泉恩以公貴封中憲大夫廣東惠州府
知府配封恭人楊氏以正德庚辰十月二
十五日生公生而端凝不妄笑語授之書
輒成誦稍長治易肆力問學每夜分不寐
江山趙中丞見所為文大竒之曰此非池

中物也後十年為嘉靖丁未同舉進士甲
第顧出趙右戊申授工部都水司主事駐
節南旺司啓閉兼理徂徠諸泉辛亥陞本
部虞衡司署負外郎分理京城街衢溝澮
任滿考稱例得封父如子官母曰安人時
分宜擅權畀任子工侍銜與諸曹郎爭堂
屬禮嗾言官論諸造作不如法被謫者六
七人公在其中街衢本無營造非辜橫及
公亦安之調直隸太平府通判陞江西臨

江府同知入為南京刑部雲南司郎中未
幾出知廣東惠州府秩滿撫按議留後幾
六年所再請始得奏課考功給授四品
誥命加恩父母部議以為宜於廣也即拜本
省按察副使職專清戎值東泉公卒里第
訃至奔歸後三載督撫中於謗言疏論治
郡不稱暨大察乃以粵憲聽調蓋不用論
者之言也是冬楊恭人歿如制終喪復除
四川踰年陞福建右叅政督理糧儲進雲

南按察使歷本省右布政使轉貴州左使
又二年致仕歸庚辰感脾疾遂不起是歲
之四月八日也春秋六十有一公夙賦清
令行復愿謹遇事不疾言劇論而通達事
理曉暢機宜居官節廉自持尤逡巡讓
不揚已凌人故所至著聲去有遺思所與
處亦無怨惡倅太平議止白土之役守惠
州招降花腰蜂輩以殺賊勢增高城郭幸
新郡治事集而民不告勞居總憲辯釋非

辜訟獄縱還化外夷酋轄滇藩順用貝之俗緩鑄錢之擾皆務寬仁簡靜以安黎庶非夫好事喜功矯飾以為名高奮厲以獵進取者也故終身踈逖知之者寡余守銓部擬用公列卿時論間有未協遂不果用未幾竟自貴陽飄然歸矣然竟亦不永年殆敝形馳驅勞神區畫篤致身之義忘殄瘁之恤邪抑修短天定非人所能強邪余獨憐公有皜然貞靖之操不信於人人然

終不以人之未信而渝易其節惟自信不易然後見君子西巖公豈不貞靖君子哉配張氏封安人加封恭人子男汝學庚午舉人次汝問汝數俱庠生汝孜尚幼女適庠生凌登第一許田學賴孫男四彥宋彥哲彥貞彥熙孫女二將以 年 月 日 葬南山陸家塢新阡所著有入粵入蜀入閩入滇入黔北征西河諸稿五經纂要畫心集惠陽興革稿圖說略滇臬讞詞凡若

于卷余與公同社友善所為狀亦同社納言松里馬公無諛詞也宜為作銘銘曰介于石政行以飭行彌飭賢聲籍籍聲揚溢膚功赫奕崇顯方來嬰疾厄命途天定何可測守身不渝復奚恤悠悠乘化遺芳蹟南峰之坳卜窀穸銘章不諛眡茲刻貽爾熾昌世無斁

貴州左方伯西巖顧公傳

前進士仁和趙應元撰

故方伯西巖顧公諱言字子行其先夏殷侯顧伯之裔世汴人扈宋蹕來籍仁和逮元有諱節者翰林編脩入我

明有諱臣者永樂初舉孝廉高祖義曾祖銘祖文淵文學宿儒考恩諸城尉以公貴累封中憲大夫妣楊氏累封恭人公起家郡諸生丙午舉鄉試丁未賜進士出身戊

申授工部都水司主事辛亥晉虞衡司署
員外郎壬子調直隸太平府通判癸丑遷
江西臨江府同知乙卯拜南京刑部雲南
司郎中丁巳出為廣東惠州府知府癸亥
擢廣東按察司副使頃以中憲公喪去職
丁卯有嗾撫臺以郡事論公者賴冢宰虞
坡楊公知己持不覆戊辰考察姑從調例
以塞睚眦憲副如故頃居楊恭人喪辛未
補四川清軍道副使癸酉擢福建布政司

右叅政雲南按察司使乙亥轉雲南右布
政使丁丑轉貴州左布政使是時科臣某
論列藩臣三人疏入

中留其二仍摘藩臬臣六人並以老致仕公
與烏公居家二年以疾卒時庚辰四月八
日也享年六十有一公平生端凝簡重言
呐呐曾不出口當官務潔志勤施在有成
績不善與俗轉移養交借譽以為名高初
為都水時奉使督理徂徠兼理南旺徂徠

凡七十二泉徃徃泉塞則漕病公躬相地
宜設方略䟽鑿之歲歲為漕河利南旺間
當孔道定約束時啓閉舟艦絡繹無敢越
次軍民稱便所過即勢貴人絕無束脩之
餽為虞衡時會分宜柄國其胄子加秩冬
卿故事加秩無詣部到任者胄子欲之諸
郎吏持不可分宜遂齟齬諸郎吏皆外調
亦蔓及公公出調太平也民方苦白土之
役蓋白土產太平之白雲山承天修建

官室檄府採之輒役及三縣人徒甚疲公適
署府事乃查先年

顯陵之工並於荆門等處取土蓋地寬則便
採取路近則易轉輸柰何偏累此小郡也
揭撫按及留都諸臺省具題得免及同知
臨江為袁瑞二郡均田立法惠施到今留
南刑曹二年文無害司寇彭蠡陶公會稽
翁公甚倚重焉出當一郡得惠州惠州東
扼梅潮西連汀贛固嶺海盤互地也會是

時島夷山寇互肆鈔掠民蒿然無所歸命
公至惻然思起其瘡痍務為休息愛利之
政減征徭蠲逋負裁餽遺慎追逮省諸彌
文不急歲節財不下數萬緡又時時練習
土著張皇兵事庶千夫長王詔才勇授之
方略將兵擊賊俘斬賊首李烏蛇李文冲
及脅從徒千人有奇境內悉平其後王詔
果以首虜功拜大將已公受計朝
京師還任寇發於潮州者則有張璉林朝

曦許朝光黨與數萬而惠所部海豐西江
又有花腰蜂陳世安溫七輩亦無慮三千
餘徒流劫鄉邑公嘆曰此豈一郡之兵所
可制此二三凶孽耶乃圖山川險隘進兵
機宜題曰惠陽圖說請督府大興發勦之
時南贛壯川陸公稱其悉心經略兩廣百
川張公則以

詔旨方張璉輩是問暇及惠憂公於是日夜
兢兢為保障計甚設仍倡集父老及諸屬

吏有機辯者往來賊巢開諭禍福諸酋皆相感泣悔禍顧公仁明顧公必且生我於是花腰絳輩皆納款為良民云時三省會征潮寇羽書交馳於惠者無虛日諸供億衣甲之類皆告需焉而公靡不應辦以迄成功故當事者謂公非獨保惠蓋與有平潮之勞焉公雖當兵革倥偬之際雅崇學校時進八屬諸生校藝程品厚廩餼之又闢鵞城書院拔其雋肄業焉以故先後斌

斌多文學士科第亦倍曩時公寔風厲之也歷惠六年凡題薦二正薦八功薦一大都稱公才識操量近世吏業罕見其儔於時公當上考功父老子第乞留不得為公勑生祠尸祝公以寄甘棠之思自後公以清戎入蜀以督糧入閩禔身奉職益務嚴潔尋轉滇南按察使滇南裔夷之交疆場諸吏獨以偵察為功能時有指通夷禁獄者男婦殆百餘人其實皆力農良民也公

鞫得其情立釋之材官某越境捕首四人
議加誅公抗言曰此遵何法哉我

明例各邊將卒私出境外捕鹿砍木者發
煙瘴為民矧可越境掩首而妄誅之耶竟
白當路逋解歸之公持法雖嚴識大體至
讞獄情可矜疑者必求可生狀所全活甚
衆尋轉本省右轄主錢法公問俗向背斟
酌便宜以為滇人與獮夷雜處其俗用海
肥為泉幣積肥者稱富人惡知錢法故不

獨民間貿轉用之即折俸賦役之類亦以
肥當其錢入一旦置肥無用用錢其勢格
不行矧獮性恣睢恐有司未易一二以法
繩也白之撫臺宜城王公巡臺臨川陳公
皆是公議其後代公者必下鑄錢之令滇
人果大噪於是撫按具題悉如公議奉
詔停鑄人皆服公先見頃之拜貴州左轄貴
雖荒服時幸無鋒鏑之警公一以綏懷為
職罔責苛細其吏民與其夷種亦帖然俯

首聽約束焉已

廟堂責天下部使者品察藩臬之長酌去
留兩臺內江何公南鄭秦公交疏公治行
宜備卿寺樞臣之選而驛書且至報公罷
政聞者莫不扼腕公自從吏以來蓋三十
餘年顧其宦轍所嚮大都棧瘴煙糝冰雪
窮荒絕徼廻翔萬里並今之仕遊之所厭
且避者而公聞

命即叱馭無難色較然不惑其志居官常俸
之外飲水而已及歸之日圖書一囊他無
長物居常端居簡出蕭然故儒絕不言家
人生產作業暇或與鄉縉紳長老及四方
騷人墨客遊覽賡唱余鄙人亦竊侍公鉛
槧間公為詩詞質而興寄雋永不習一塵
常自幸萬里生還作四絕為藝林所傳誦
公平生操履如是而內行尤備孝友根自
天性與朋友交久而彌真卒有急悉心力
援之不自德與其配張恭人偕老相敬如

賓課子嚴而有方諄諄以經術相勸迪切
戒浮靡氣習以故諸子皆率德勸業長汝
學舉庚午鄉薦次汝問汝敷邑諸生次汝
及尚幼皆足以繼公志者公醇德直節內
無疚志徃徃通於神明當守惠時一日升
堂聽獄忽門卒馳報賊幟在望公亟率寮
黨徃視之不旋踵而堂覆矣公得免又一
日自惠徃會城邇海以行大風陡作颺舟
潏泱間不識所在舟人大懼公正衣冠望

空稽首神色自若比曉聞隱隱有雞聲舟
人喜曰此必近岼矣舟果濟即今公之歸
也甫及年餘不祿向使莫有人趣公歸安
知旅櫬不在萬里外乎凡此皆非天幸寔
神明貺祐之力也所著有五經纂要盡心
集惠陽輿革稿圖說略滇臬讞詞其詩文
則有西河北征入粵入蜀入閩入滇入黔
諸稿而總名之曰倦遊則公志也
趙應元曰昔人論清德有惟恐人不知者

有惟恐人知者以是較其優劣公豈所謂
清畏人知者非耶不然何公蓋棺之後清
譽益籍籍人口也余聞公守惠時藩司檄
取料金倍于常額公以時方用兵不忍加
派于民請以醮贖充解醮贖故郡所餘也
及藩貴竹治行之日帑司以贖鍰進公却
弗受蓋公矯矯大節人咸知之而貞心廉
操終始一致有不媿不忤者則固匪夷所
思也已昔太史公作列傳於其傳伯夷也
變體尤工蓋太史公悲吊千古用情惋歎
如此余薄劣惡能效太史公傳伯夷哉顧
念鄉先生清白風烈如公忍不彈詞以為
世勸嗟乎世猶有以居官致富為雄傑者
乎聞公之風可以知媿矣

顧左使集卷一


帛林西巖山人顧言子行著

西河稿

納言馬松里年丈邀同吳桂軒郭樂泉

二憲伯遊天竺寺晚酌飛來峯

暫謝塵踪卜勝遊喜隨仙侶訪蓬丘青山雲
卷松風出紺宇香迴月桂浮隱隱鐘聲鳴講
席霏霏曇影落衣裘歸來洞口堪長嘯拾得
芙蓉萬片秋



訪李岫嶼山人次松里韻

迢迢一徑落清陰
客向巖棲隔茂林
丹鼎駐顏常不老
青山有主許相尋
雲中雞犬開仙界
霞外樓臺聳翠岑
更喜春風吹野服
踟躕何惜入山深

同年納言馬松里僉憲沈三洲在告日

久詩以趣之

海內蒼生望正懸
邊圉况未息烽煙
遷鶯共喜承明主
投綬偏驚屬壯年
松菊豈荒陶

子徑雲霄應着祖
生鞭佇看夾輔功
成日越水吳山更結緣

月夜泛舟同許小崖少崖田明湖諸兄
藍輦登山罷乘舸興益賒
殘陽隨鳥沒新月入湖斜
曲度迎清籟杯傳泛紫霞
分明銀漢裏何必問星楂

瑞竹贈松里年兄 時新居適成

世德流芳遠祥筠肇地靈
分岐翻日影合幹插雲屏
斲雨龍為節耕烟玉滿亭
君方開綠

野常伴歲青青

孫霞山林園八景次胡龍崗先生韻

花陰獨酌

獨步花陰進羽觴
苔錢為褥石為床
東君不負尋芳興
冉冉風來翠蒂長

三徑灌花

曲徑花明春未歸
亭前晁晁引朝晞
夫人抱甕花陰下
紅紫叢中瀉玉璣

荷亭對月

待月閑亭意每逢
風翻紫萼出漣漪
相邀何物堪相倒
摘取芳筒當酒卮

水榭納涼

雲樹重重徑轉深
夾池花竹弄晴陰
虛堂六月不知暑
一曲瀟湘宜此琴

竹塢烹茶

輞川千古共清氛
鼎內龍芽色似雲
我欲同傾三五盃
風生鳴玉恍疑君

泓泉洗耳

蘇東坡集 卷一
檻外泠泠碧欲浮樓臺倒景即滄洲紅塵半
點渾無染乘興還應一枕流

西樓晚眺

林外斜陽映小樓長天孤鷺去悠悠誰言
暝色堪搖落又見銀河碧欲流

梅林雪望

玉魄先春已著花霏霏雪色望偏賒與君
慢飲羅浮酒莫問當年訪戴船

臥病松里三洲二年兄枉顧有作次韻

養拙何曾悟法車藥欄初放兩三花排闥有
客驚殘夢倚檻無心數落鴉雲外暫留雙鶴
駕斗間疑聚一星槎使君賦就巫山曲七發
當年未足誇原作有巫山之句故云

夏日養病孫思旦林園

報政耽鄉國文園正陸離息機聊避市却老
欲飡芝圃藥滋新雨林鶯轉故枝竹床聯霽
月花影傍人移

飲表姪許思欽園亭二首

北隅開數畝，靄靄似芳洲。
舊徑青芝結，新池碧水浮。
花繁冬不歇，竹密夏仍抽。
小阮風流勝，何妨藉卉留。

苑外樓臺迥，登臨興自豪。
千峯排戶入，三塔傍雲高。
艷曲迴清管，瓊卮瀉翠濤。
青雲君可致，託意在林臯。

送凌雙橋郡侯之建昌

銀章紫綬握銅符，玉貌仙郎出帝都。
盱水冰壺澄似練，雲山秋雨潤如酥。
麻姑僊嶠傳

顏墨恭伯書堂覓鳳雛，郡守漢庭原入相。
肯因臥閣戀丹爐。

送王箕泉郡侯之雷陽

十年兩署法星平，又縮銅符五嶺行。
漢主邀功勤上將，聖朝柔遠寄專城。
屯雲瘴氣隨車散，合浦珠光曜日明。
還憶政成應結社，使君端不負詩名。

于蒲泉閩帥齋捧竣事復還東粵詩以

送之

宴罷飛旌出 帝鄉伏波橫海下 遐荒已知
勳舊 三朝重况有威名 五嶺揚幕府牙旗
翻曉日 轅門畫戟凜秋霜 從今擬獻平蠻頌
漢柱重標業未央

莫春携兒學同孫霞山徵君登五雲山

至天竺寺二首

為愛春明發興幽 板羅躡磴上丹丘 龍宮縹
緲排雲出 鷲嶺參差匝地浮 潮湧海門分越
嶠山開天目結神州 竒觀與爾疑收盡 不是

尋芳學浪遊

踏破雲關更沈寥 上方無地不逍遙 層巒積
翠紛琪樹 臺嶂流霞隱石橋 座上雨花隨梵
見月中桂子 向衣飄 誰言自古繁華地 却有
清都鎖碧霄

家園養一鶴 翻成予不忍 鍛之一朝忽
飛去感而有作

豢鶴經年羽翮脩 冲天一舉任雲游 貞姿不
受樊籠繫 野性還依霄漢儔 太液池邊丹頂

崔友仙集 卷一
度崑崙山上縞衣留吾今自有支公意肯使
乘軒為爾憂

茅棚成戲作口號

室隘何堪溽暑侵縛杉編草暫儲陰東家庭
院重重蔽爭似茅茨太古心
誅茅一掬自堪誇赤日炎氛儘可遮任爾窓
前清午夢何論冰室與風車

陪介亭叔月夜飲松里年兄次張南屏

柱史韻

尊酒觀芳辰良晤非阻隔疇焚學士魚來咽
崑崙核博物張茂先有叔似安石玄才吾豈
敢東山聊共奕皎月上朱欄叢芳盡凝碧餘
暑候已消清暉偏照夕園蔬鮮足烹沍蘭馨
可摘劇賞未回車東方忽已白

秋日訪姚九華年兄飲雪茶

天上瓊花手摘來渾疑仙侶在瑤臺漾漾甘
露烹丹鼎冉冉香雲泛紫杯玉液寒生消積
暑黃芽點處易凡胎憑誰續此陽春調唯有

南宮獨步才

集沈園新樓次冉山王丈韻

林薄叢叢構綺樓山光水色望中收晴開遠
岫千重翠雨入平田萬頃秋桂露每從丹戶
落松風偏向錦筵投仲宣一賦能裁就聲價
于今冠素侯

贈凌太安人旌節

聖朝風化首綱常天詔今懸冰蘖堂斷髮
毀容群姤息奉姑育嗣一身當俱母之丹心

不共江河變霜鬢何妨歲月長更羨鳳雛成
羽翮飛鳴早已向朝陽

送沈懷溪年兄會試兼為解嘲

省試同登二十年風塵荏苒各茫然君今又
獻臨軒策我欲歸耕負郭田江上凍雲迎旆
解禁中春杏惹衣妍新郎得意偏豪舉醉後
應誇閬苑僊

送許思參會試拈得新字

羨爾青雲客能令意氣振獻君知有賦懷國

不謀身霖雨今方注風塵總未論依依綠楊
道點染杏花新

執手心自真去去向通津霜寒鄉國暮日煖
曲江春仙籍傳來早宮衣着處新寄言湘水
上切莫嘆沉淪

思參為少崖兄之猶子兄父淹湘岳故及之

春日同侍御金對峯柴醴泉都諫孫思

泉武部俞庚陽讌唐新洲庶訪樓閣
樓閣連雲芳讌開憑臨如上會仙臺霏霏瑞
雪春容媚靄靄青山淑氣迴星聚喜同荀氏

容風流不讓鄴中才醉來綽有軒翔意極目
陽和徧草萊

飲絳梅花下時諸叔子弟共八人暨曹

文學

元都寂寞後仙種幾年栽爛熳霞初放芳菲
錦似堆嬌含妃子態咲伴省郎才幸有芝蘭
在臨風對舉杯

子建稱同調荀龍敢並躋如何德星會誤入
武陵谿風過飛紅雨堤迴簇絳霓不辭花下

醉歸路晚烟迷

憇淨性寺

花宮渺何處傍水一平林竹圃青常滿桑畦
綠自陰僧供新摘茗囊解舊携琴所喜真空
地能觀不染心

初夏高穎湖朱九疑王冉山馬松里沈

三洲趙望雲諸公枉集敞廬因結孤

山社會分得天字

梅雨綿綿四月天綠陰池畔長新蓮烹葵小

集堪留客摘果常供不負錢白社久虛悲往

哲蘭亭續構託今賢却憐處士清風在好把

詩篇次第傳

時田豫陽許茗山石屋童南衡方十洲諸公俱謝世

集沈三洲年兄宅雨燕墜席復飛六詠

乳燕新添夏正長朝朝得意在雕梁誰知着

雨渾無力似逐東風上下狂

曾在吳宮取次飛于今畫閣伴斜暉想應欲

試霓裳舞故向雲陵帶雨歸

雙雙弄雨出東墻歸向筵前一恁忙不是含

情投舊主低回那得到人傍

天涯何處是伊家
簾幙深沉滿院花
嬌態不緣風雨妬
輕輕飛去逐烟霞

畫堂深處一巢安
雨際飛來似怯寒
豈為主人能愛客
新妝欲向掌中看

雨燕差池落錦筵
爪痕細認尚依然
叮嚀莫作烏衣使
一去華胥永不旋

閒居

閉關無一事幽意託萋萋
蒿簷隙垂蛛網梁空

落燕毛繁陰清敞
幕涼雨冷締袍
城市雖然近身名覺已逃

避喧常默默
獨坐且焚香
新竹臨池翠
幽蘭護檻芳
索書觀草聖
點易覓羲皇
適此物累遣因嘆塵世忙

夏日憇石屋洞

言尋南山幽來泛清波
沁蕖葉半卷舒朝霞
散青紫振衣入芳林
鳴鳥調宮徵仙嶺
鬱廼盤岩花
迎杖履
巋然小洞天
瑤室堪以比虛

響谷樵歌泓泉滴石髓山風上苧衣雙樹清
陰委炎氛從此滌釋却曾中鄙冥坐了真如
吾行行且止

將訪雲居縉上人會往天目山不果

不到雲林久何人為指迷登山方買屐飛錫
忽踰溪天際峰還迥巖前鳥自啼遠公如可
遇應問佛來西

瑪瑙山居偕孫初陽江陽泉訪沈懷溪

為同年小會

有客憇禪關悠然出市闌烟雲常傍水松桂
半依山雨入紅蕖亂沙眠白鳥閒避喧誇獨
樂選勝喜同板慢飲菩提酒因開遊子顏捫
蘿穿象外把臂到林間勝此祇園會何慚玉
笋班三君方度世吾欲弄潺湲

送潘叅朱肖若擢山東學憲二首

薇垣開紫氣天詔出黃扉名以荆吳重文
將東魯歸棠陰遮去節海色傍征衣試問談
經者于今幾下帷

魯國多儒行因君喜得師岱宗添氣象闕里
覲光儀執憲風生座傳經雨到帷疏泉追往
事吾意析臨岐予初為水部
督泉徂徠

少崖兄量移荊州却寄

幾年淹豸使南郡暫移旌落帽風前興登樓
檻外情湘雲遙拂署漢水近依城吏隱君方
適無勞吊屈平荆之歸州
有屈原宅

題茉莉花園贈金靈石文學

西域分來種何年入繪圖冰姿粧自澹翠葉

沃如鋪不共春華鬪偏宜秋月俱玉人難咲
插留與伴名儒

光霽亭贈許小崖表兄

奕奕高門負郭開更從林薄構亭臺芳叢競
發花無數翠徑新抽竹幾堆霽月橫空塵不
染光風拂檻夢初回知君胸次翛然好有容
何妨載酒來

早秋集柴醴泉年兄水閣

六月亦無暑矧茲逢素秋逕深仍種竹亭邃

復臨流着雨芙蓉艷翻風薜荔柔蟬鳴棲老
樹魚出戲浮漚共指依城邇誰知隔市幽讌
開方曲水賓不讓南州辭闕緣歸養為園託
勝遊相過寧厭數一榻任夷猶

早冬山行憇飲馬橋遇何瑞泉王冉山

沈南泉三丈遊龍井還開尊共酌

近市厭喧囂忽發林泉想屏車戒僕夫扶筇
聊獨往伐木響空山霜風寒鶴驚尋幽歷八
盤弄石坐溪上溪水一何深溪橋亦以敞振

衣舒嘯間精神覺愴恍翩然賓從來鷲似群
仙枉浪跡自龍泉此地仍留賞促席羅酒肴
飛觴忘少長萬山落斜暉四野盡蒼莽諸公
負不羈吾欲脫塵網良晤若為期山林有吾
黨

藩叅張水菴自吳門過訪將歷覽湖山

喜而有作

白雪知名久青雲屬意深五湖遊未足三竺
更相尋天矯春堤簇玲瓏古洞陰山靈欣有

鹿本使集 卷一
託追逐愜初心

春日同納言馬松里廉訪唐新洲沈三
洲邀張水菴年兄遊天竺諸勝地水
菴首唱次韻賦之

天竺寺

三竺諸天上欣陪衆妙來靈光延別代梵雨
落空臺入徑香雲擁緣溪寶樹迴自今依法
界渾欲謝蒿萊

飛來峰

飛島凌群松崑崙第幾峯如何白玉壘削出
金芙蓉幽洞啼猿寂春岩瑤草穠使君有家
鶴何假葛陂筇

飲冷泉亭

遐矚極幽秘移尊向冷泉一瓢方嗽玉合澗
忽鳴絃苦海疑無地塵寰別有天暮烟催去
客還睡覺依然

晚憇陸祠

新祠臨碧水孤月上前村未盡山中賞仍開

花下樽高名懸異代再構屬殊恩亦有幽人
墓千年尚薦蓀

登太虛樓次韻

層樓薄霄漢登者若凌虛天外峯難數湖中
畫不如山雲浮棟起海月映窓踈鶴駕何時
過應知欲伴予

江湖偉觀亭晚眺次韻

勝蹟由來迥不群江湖襟帶一亭分龍飛天
目開仙界鳳舞錢塘綴錦文玉瑟瑤笙調畫

舫吳關越水亂春雲憑高極目情何限倚石
長吟悵落暉

西湖春泛次水菴韻

蘭桂搖搖采鷁船湖光山色共爭妍梅花浪
暖三春日楊柳風來薄暮天何處入雲歌伎
促幾家傍水酒旗懸知君不盡尋芳興扶醉
還期漱玉泉

天然圖畫

寶地臨湖渚江山入望清岩虛憑磴上閣迥

藉雲撐禪榻三生夢浮圖萬古情春光似無
賴俯檻聽流鶯

孤山懷古

湖光四面合青霽一山孤深院花將落空塔
蘚未蕪遊人悲去鶴高士譽歸吳墟墓埋林
麓黃昏繞宿鳥

湖心亭

空亭雲外出宛爾在湖心樹拂清陰淺山飛
黛色深步檐聽短笛把酒發長吟一水分明

隔漁人何處尋

湖山晚歸次松里韻

有客尋幽興不虛雲山深處度仙輿六橋柳
色春將去十里湖光景似初岸草留人舖砌
軟林花映水亞枝踈舊遊新社聯佳賞還醉
西陵烟月餘

水菴寓藕花居有作次韻

寥寂一僧居湖山引望舒野花緣徑遠香霧
入簷虛有意來聯社無心為羨魚吾將去城

市與爾共依於

藕花居訪水菴

緩步到雲關平湖水一灣侵崖芳草出傍瀨
野漁還梵寂僧常定林深鳥自閒應憐玩世
者竟日俯潺湲

題金對峯侍御山莊

翠擁樓臺傍水開百花障子綺霞堆斷橋無
雨烟光落寶石連雲塔影迴僊嶠幾重常入
閨渭川數畝不煩栽與君欲訂蒲團約朝

宁能虛柱史才

太真出浴圖

罷浴出蘭煎輕綃護體便玉肌含霧濕酥乳
帶香妍豈赴高唐會還承復道宣翻憐洗兒
日猶賜尚方錢

梅花堤美人走馬

桃花堤上簇天姬爭跨銀鞍來鬪竒玉策輕
搖紅雨落金鑣斜控綠雲歌洛川神女堪同
品溼水龍駒豈異姿漫說七香連大道風流

今數在湖西

愛妾換馬行

君不見西河吳起成功伐一旦蠲妻如賤卒
又不見燕王納諫似轉圜不惜千金買駿骨
古來烈士重勲名誓與樓蘭不共生寶劍雕
弓懸錯鏗天山萬里任橫行盈盈鮑家姬皎
皎畫雙眉流態朝霞倩含情芙蓉姿合歡置
掌上永共結蘭帷忽然騷裏來冀此不願黃
金願傾國願躬躄蹇兩難釋佳人良馬不易

得男兒少小志四方慷慨不肯戀閨房願把
嬋娟一朝撤楊鞭直向玉關行嬋娟黯自愁
別去若東流東流逝不回西望空凝眸嗟嗟
古來紅顏多薄命歌舞教成豪貴併朝露春
花能有幾悲歡離合焉可竟馬鬼魂冷萬古
羞金谷流血恨未酬勸君且換千里馬立功
西域報皇州

阿房宮行

此唐小李廣將軍所繪阿房宮圖也

有子集 卷一 十一
予家先世編脩公所貽歷伯英公迨
今瑞山叔凡六世矣世寶之若奉為
手澤之遺者然予觀此圖非以侈秦
也殆史遷揚雄之賦詞極靡麗而實
寓規諷之意焉其作圖之微旨也夫
于是為阿房宮行

崔嵬乎阿房之宮凌雲霄驪山橫亘勢嶢峣
廣袤繚繞三百里涇渭滌洄二水朝十步障
五步樓瞰豐鎬跨雍州搜材窮楚蜀鞭石裂

崇丘殊形詭制環列宿離宮何止三十六六
國天姬取次收乘茵步輦如花簇不移鼓瑟
自成行更采新詞入樂章入樂章奏笙簧歌
喉徹綺席舞袖散天香夜深各抱雲和去承
恩若箇在昭陽天下諸侯盡兼併窮奢極欲
唯所騁民膏捐棄如泥沙復築長城為外警
五帝功勞不足多秦關四塞孰能過芒碭真
人猶未起持耰荷棘且柰何

虎林少年行

玉蹀銀鞍控紫騮遊春踏遍六橋頭閨中少
婦腸應斷還擁吳姬醉酒樓

紛紛公子舊衣冠錦席笙歌夜未闌白玉盤
中齊博采千金一擲總無難

詠繪海棠花

可是丹青點綴成如何香露尚沾莖東風一
夜開無數似與楊妃鬪卯醒

行路難寄馮養白大叅

君不見大庾嶺外鱷溪傍崩崖拔木海颶狂

嵐氛充斥晝不見妖狐群走裂人腸君不見
賀蘭山北雪如拳沙場千里無人烟淒涼凍
骨蔽原野縱有驂騑亦不前行路難君聞不
忍餐燕然銅柱至今烈一朝謗起狐忠滅壯
士誰能為解顏唾壺空自悲擊缺忽傳博德
下樓船又見嫖姚出玉關北縛烏孫南靖越
功成論定召君還行路難君莫嘆

節孝流芳贈秋達朱生

君不見臨安煙火百萬家甲第連雲相矜誇

蘇東坡集卷一
翠館笙歌夜不禁通衢競度七香車誰憐閭巷有賢媛三十婺居晝掩門親育遺孤陳俎豆冰心一片無纖痕予從談執識朱生朱生立德不立名晨昏一意供菽水行藏豈願聞公卿邇來辭檄竟不顧闈前日詠南陔賦母兮燕喜子亦愉人間百順從此聚吳姬越女今何在故侯甲第空高壘惟有賢媛孝子永不磨行看觀風一朝采

贈楊節婦

不死因全嗣甘貧為潔身百年餘白髮半世謝紅塵秋月心同皎霜松色倍新義方兼父訓孟母獨為隣

贈堪輿程子

古貌蒼顏郭璞仙青囊秘術似親傳直從星宿源頭泛疑向崑崙頂上旋心巧暗能推理氣機玄總在悟尖圓知君踪跡渾無定寄託人間種福田

上元泛湖集孤山吟社分得人字

霽日傳柑羨令辰
明湖畫舫集騷人
烟波澹澹飛來迥
雲嶠重重望去新
白社有梅憐處士
蘇堤問柳識陽春
忽驚火樹參差出
卜夜休論買笑頻

春寒孤山梅未試花詩以催之

晴雪朝飛處士堂
寒梅猶自帶春陽
踈橫未破璘璘玉
暗度應稀裊裊香
誰向羅浮醒曉夢
遙知金谷罷新粧
賦成堪比仙家術
頃刻須教花遍芳

吳山道院社集望湖

仙雲擁日護玄扉
坐對虛窓挹翠微
葛嶺烟輕丹藥剩
蘇堤春早綠陰稀
蘭橈桂棹花間出
楚舞吳歛月下歸
臨牀不妨頻送酒
踰躑一鶴似因依

周與鹿給諫宿靈峯石閣有懷兼柬張少岳山人

得告暫辭青瑣闥
探竒日日向丹丘
雲林月照苔茵淨
石閣風來暑氣收
夜迥不驚蓮漏

舊在使集 卷一 二十三
滴心閒更索貝書雙言為詢微尚張平叔寄食
香厨今幾秋

送王十嶽山人之青山

采石當年事浪遊天門遙對謫仙樓新知忽
向青山去舊業仍將白社留屐折為尋三竺
徑帆輕那礙百花洲客星此夜誰能識秋月
蘆花兩地愁

初夏行雲居山徑

偶爾來山徑扶筇入翠微松多不礙路僧定

獨關扉峭壁含雲潤踈鐘度嶺稀蒼苔濕芒
履蘿薜刺衫衣浴日清江出穿林紫邏圍晚
風吹曲磴暗有麥香飛

種葵

一咲拙生涯閒情看落花買得半畦地種葵
不種麻麻生亦自直向陽充足誇露零翻翠
萼霞起映丹華人或指其多吾興似偏賒野
無負郭田園乏邵平瓜瓠衷自此結為爾謝
群葩

大司寇林退齋先生赴 召經武林舊

門下士餞送西湖賦二十韻

聖主初登極虛懷簡老成氣和棲鳳出雷動
蟄龍驚雨露新承澤山河夙訂盟志兼堯舜
業學契孔周精藻鑑斯文頌風裁下國程
朝廷隆節鉞荆楚憚威名道重時多迂行危
身亦輕懸車幾念載郵館斷三旌素養操愈
勁丹衷久益貞迴瀾資砥柱跨海控長鯨川
嶽妖氛散乾坤正氣盈奸雄消白日狂颶息

滄瀛獄讞今司寇絲綸即上卿會看聆擊石
總不異調羨靈降壺山萃恩均浙水平至今
樛李色猶映笏袍明湖上開芳讌吳中集俊
英再瞻山斗範胥慶泰階清厭足江河飲雍
容趨步情今朝觀化者不讓魯諸生

吳山社江海大觀

吳鉤越劍安在哉嚴城千雉對江開胥濤猶
自馳奔雷秦碣徒然封積苔誰向稽山探禹
穴遙從海口拍蓬萊雄圖不盡憑臨思且醉

尊前酒一杯

田瑞豐邀清閔園賞菊同給諫周興叔
侍御紫汝嘉

清閔園中菊花開幾百枝停杯頰指點倚檻
愛紛披月影添新態霜華闢晚姿良朋聯妙
賞端不讓東籬

風筵聽竹三言體

秋風颺秋湖光停桂楫傍叢篁促綺席飛雅
觴聲冉冉鳴鏘鏘疑鶴唳似鳳翔搖環珮動

琳琅韻焦桐紛笙簧白雪調幽蘭芳發狐嘯
此君堂悲易水泣瀟湘懷帝子心未央

屏居一炷香八詠

一炷清香一策書歸來猶自惜三餘從今頓
有忘筌意莫使徒然辨魯魚
一炷清香一首詩興來花鳥任評題陶帚未
造成枯淡且喜臨池不費思
一炷清香一局棋草亭彈處日潛移爛柯有
着無須訪負亦欣然是我師

一炷清香一碗茶買山半畝種春芽竹爐沸
處花初起便覺胸中去宿瘕

一炷清香一酒卮論文有客不須期
傿傿屢舞非吾意一種憂心那得知

一炷清香一浩歌當年琴鶴事如何
浮名摠付人間世一掬形骸覺已多

一炷清香一叩神叩神先自檢吾身
高山仰止從來久莫到知非始是真

一炷清香一祝天祝天惟願太平年
君王

萬壽親難老藿食藜羹慰夙緣

送表兄許少崖守昆陵次張周田憲使

韻

念載驅馳鬢欲斑朱幡今日度江關
乘將采鷁溪三過分得銅符海一環
落木蕭蕭寒白蜺惠風拂拂起青山
懸知五馬行春處為問延陵在此間

江天晴色落褰帷有酒那堪是別卮
官拜新恩行自壯境連吾土去還遲
春郊綠滿迎新

車蓋晝寢香凝惹戟麾為愛惠泉勝寶玉清
波流映碧梧枝

贈田母雙節

一為瑞豐之母一則其叔母也貧而無子為尤難云

一門雙節屬賢媛守墓全孤義氣敦績孳強
支門戶計和丸誓報藁砧言西湖秋月冰心
似九里霜筠白髮存實錄 聖朝今更采未
亡何幸被重恩

孤山大雅堂十韻為高光州穎湖賦

處士梅邊社悠悠雲水深丹霞仙嶺出文石

古苔侵舞鶴驚花落嬌鶯轉樹陰傲霜三徑
菊看竹七賢林亭敞邀新月樓虛挹翠岑冲
懷托園吏逸興寄桐琴好古思風雅悲今黜
豔音五車閒處讀千首醉中吟陶謝天然手
羊求物外心公能執牛耳吾黨願追尋

湖南新社二首為九疑朱公賦

湖南學士港重構聚星堂碧水連雲迥青山
繞郭長門栽五柳樹坐設九霞觴似續蘭亭
勝臨流索和章

白社倚城隈湖山一望開
輞川應取竹孤嶼已移梅花薄
餘香藹亭陰繁綠迴生平不厭
客對局有新醅

初雷

春早雷初動應知百里驚
乍聞猶自杳轉聽忽如轟
頓解龍蛇蟄旋開草木萌
不須論跌宕觀化有餘情

初陽臺

臺聳從初地峯迴帶碧流
黃庭何處貯丹火

幾年收芝草萼深谷藤蘿老
古丘願言邀羽客雲臥叩真脩

浮查新泛九疑公舉社會

大夫構社復浮查逸興踰躑取可誇
漱灑湖光搖霽日鬱葱山氣散流霞
談經似起游魚聽杞酒遙看孤鷺斜
一葉飄飄天上坐直從銀漢訪仙家

白牡丹

天然標素質無意競紅芳
團雪難為辨疑脂

似可方銀蟾照孤影玉露滴清香不浣宮妃
指貞姿何善藏

訪莫寒泉山人

負郭清齋一徑幽喜隨仲蔚此夷猶水光似
練吳門近草色如舖白社田出岫看雲忘去
住緣溪狎鳥任沉浮知君夙訂西湖約不是
尋常厭虎丘

夏日同金對峯金湖亭凌雙橋吳桂軒
訪陳抑菴中丞山莊二首

地占明湖勝襟期迥自寬花欄添夕秀藥圃
足朝餐報國酬知己還山覓內丹清談忘
却暑恰似服冰丸
幸隨仙侶後來叩白雲居畦雨肥生稻池風
香散蕖杖藜僧可共倒屣榻非虛偶適臨流
意無勞問溺沮

送潘栗夫之任浦城三首

棒檄非君意吳興望治平丹山雲外出碧水
霧中明入境聞絃誦行郊辨秫稭看君報異

等切莫負鄉評

我願歸耕久憐君宰邑初論文方下榻把酒
忽驅車治奉三章約心忘五斗儲公餘何所
事夢筆著新書

浦城有
夢筆山

已向三山去還過九曲溪仙雲迎轡出香霧
傍人低路有群兒舞庭唯一鶴棲 聖朝思
補闕召爾析刀圭

湖南社訪汪伯玉中丞

中丞野服憇湖山藍輦凌晨出叩關契濶十

年驚海颶逢迎一旦辨霜顏旂常勲業論初
定琬琰文章代孰攀莫謂漁樵生計足須公
早晚佐時艱

贈沈青門隱君自洛還里

握別吳門已十年天涯消息各茫然身餘寶
劍衝星起囊有明珠望斗懸詎謂洛城淹白
社定從少室訪丹仙歸來紙價應增貴摩詰
聲名喜共傳

贈郎草橋隱君次韻

有本傳集 卷一 十一
夫人八十任衣襤醒眼常看舉世慙爭席無
心機總息立言有屬道何慚關前紫氣時繚
繞座上黃庭更討探豈必蓋棺論始定從來
已絕茂陵談君預置壽木且為之
咏諸學士多和之者

集孤山草堂因謁林處士墓次莫中江

方伯韻

頻年家難伏蒿萊何幸重逢笑口開白社久
憐高士往薇垣今喜使星來蘭林激楚誰能
賦秀木回芳且舉杯延睡未闌山色暝梅花

依舊伴荒臺

西湖采蓴

漱灩春湖采雉蓴花邊短棹集如鱗胎凝試
却銀刀滑葉細分來碧籠勻已覺淡香醒客
酒何如美味入吾脣今朝幸爾非羈洛不待
秋風始問津

堤酌

遊人盡逐棹吾意尚栖栖聯步行芳曲移尊
向翠堤一鉤山月上數點岸燈低莫惜飛觴

急昏鐘動水西

歸艇

罷酌還浮艇湖光益盪人風生堪拂袖露下
欲沾巾恍覺星河倒應憐漁火親歸來迷處
所一似出樞津

謁岳武穆公祠

金牌十二促師旋那管山河半棄捐奸檜傾
謀霾白日忠魂冤氣蔽青天南枝猶向旌旗
拂北狩誰將環佩憐千載英雄遺恨在蒸祠

端不讓凌烟

謁于肅愍公祠

自許生平抱赤肝艱危宗社賴全安初排
遷國群疑息再奪和戎羶膽寒經略兩年恢
故宇拍麾萬里奉回鑾專祠已荷孤忠白
殊卹還看下日端

送給諫周興叔北上

辭闕頻年戀故山靈峯深處隔人寰書成
晉魏機能泄詩入風騷調轉閒廊廟只今需

石畫江湖未許託禪關倘因清問移前席
為說民生日益艱

送同年江陽泉之南比部

六卿世占二曹隆君復于今射策雄種德庭
前人似玉吐詞帳外氣如虹白雲縹緲迎簪
佩紫霧盤旋識鎬豐往事浮沉何足問鶯花
猶自媚春風

比部為予
所舊遊地

送陳貞亭之南比部

春岡迢遞白雲司玄武清流繫夢思載筆槐

庭膏雨潤垂鞭柳陌暖風逢雙珠已自離滄
海聯壁今當映赤墀

君為敬亭
方伯之弟千古金陵多

勝槩好憑登睡細吟題

蘇堤踏歌行

蘇公堤上柳千條夾岸梅花映水嬌中有吳
姬年少小三三兩兩踏春朝吳姬顏色果傾
城宮樣粧未百媚生香塵不惹凌波襪花裏
偏宜笑語聲一種芳心不自持殘紅落處步
遲遲忽逢輕薄誰家子故逞風流幾度隨獨

有友集 卷一
憐蓬壁閨中秀蠶繅紡績延清晝任爾蜂狂
蝶亂飛閉門不把春光漏

題少崖兄香月樓四景次王仲山駕部

韻

梅源今已在人間樓閣常依明月灣樹樹香
生似留客起看霞色滿前山

碧梧月滿上銀鈎別有天香到小樓坐久風
從清夜發頓令林壑欲生秋

瑟瑟千峰帶月明暮烟消盡碧湖平杯傾玉

竿浮金粟醉拂松梢聽籟聲

畫閣雲飛凍色開湖波清淺暮山回行吟忽
到梅花下又見參橫送月來

題高太學山滿樓四首

何處開仙境梅花遶碧波傍樓山翠滴逼座
水光多新月浮烟柳香風入綺羅愜愜春夜
飲不醉欲如何

青山浮四面翠閣出叢林雲淨天如洗風多
暑不侵憑高舒遠眺對爾豁塵襟箕踞宜窓

北悠然彈素琴

玉露下庭楸金風動素秋憑闌山瑟瑟卷幔
水悠悠鹿自蒼苔過蟬因高樹留桂輪今夜
滿何處奏瑩篴

雲裏出千山木落天地暮松風吹貂裘海月
掛枯樹擁褐不知寒傾杯那記數誰能冒雪
來訪此山陰路

採桑行

青青陌上桑葉葉向朝陽窮巷無他事晨昏

灌溉忙既畏牛羊食又恐雨旱傷枝條幸以
茂如雲垂道傍少婦昨朝摘一筐換來不穀
給芻糧今日街頭賣新葉那堪賤售餘空篋
老妻啼饑兒號寒官司趣賦何時完一吏下
鄉猛如虎釵鬟質當心悲酸名不見貴遊公
子競豪華裂帛揮金如糞土又不見深閣佳
人富綺羅寧愛一絲與一縷蚕事由來總不
親誰識人間採桑苦

征南曲

貔貅十萬下南荒隊隊爭先取夜郎一自轅
門來獻馘頓令嶺表失橈槍

司徒受鉞得專征號令嚴明泣海鯨萬艘樓
船天上至重過銅柱一標名

瘴海誰清萬里塵元戎拍顧捷如神殺弓臥
鼓牙幢肅不說明珠說畫麟

王師薄伐氣雍容首翦渠魁釋脅從為報武
功戡定後還敷文德徧周封

夏日訪施帟泉戶侯觀菊圃因憶去秋

侯裁詩邀為社會余偶以事不得赴
感而賦之

清夏尋幽訪步兵葳蕤菊圃倚南城千叢並
植方含秀百種分岐未吐英金谷由來傳異
本玉筍無用覓仙莖因憐疇昔幽蘭調獨負
花期無恨情

飲太虛樓大叅王元美首倡和之

高閣分從十二樓誰期城市有丹丘山光縹
緲啣雲出湖色泓澄漾日流星燦紫微爭欲

舊本傳集 卷一 三十一
賭調成白雪總難讐重逢意氣還如舊况是
煙霞伴勝遊

同年邀蔡敬齋王鳳洲二使君夜登吳

山訪紫陽菴

停驂漸向翠微深古徑藤蘿曲曲陰尚有殘
陽飛末木忽看新月掛遙峯巖前紫氣猶堪
把洞口丹砂覺可尋徙倚不妨塵外賞蕭然
萬籟助清吟

代簡答林槐南比部

年來只閉戶寂寞西河涓避喧成小隱習懶
學樵願忽傳青鳥使授我一緘詞敞恍意自
得試問此為誰金陵有仙吏慙慙訊故知秉
心存古誼金石彌自持憶昔別瘴鄉荏苒十
年期躊躇一注念潄然興餘悲循惠粵東嶺
控海逼島夷襟山通九連處處皆欽巖逋盜
稱淵藪群徭雜煙炊鹽田成聚落女市競相
詒所幸無重賦遺教未陵遲上有忠信心化
誨良可施柰何執政者賄賂盈公遠賢哲賁

丘園饕餮列有司
征求罔虛日科罰
及銖鎰鷄犬猶不寧
而况妻與兒奸萌
遂發難相與弄潢池
投巢紛結軼白晝團
妖旗膏血塗原野
井邑日流離予本一
書生夙乏經濟宜奉
命守茲土入境惕瘡
痍絃亂尚可調絲棼
亦堪釐矧云二千石
束手無能支首為正
士習俾見漢威儀悉
罷無額征力役各以
時汚吏願解去積猾
不敢窺彫疲似蘇息
反側未全綏爰屬諸
介胄奮武練鄉戡申
飭保甲法

安插風頑蚩衆心咸
鼓舞義氣頓瀾瀾爭
欲為良民小醜盡狐
疑投戈復故業荷笠
安耘

耜胡然狂飈作巨盜
干天彙負海猖三窟

潮賊

張坤林朝曦許朝光

侵疆勢益滋戴星日
乘障繕甲厲

偏裨憂勞廢寢食惟
悴楨丰姿賊衆幸已
殲吾形亦胼胝五年
清白秉可以質神祇
君故董賈才坎坷遭
數竒長揖叩閭闔先
達莫為推乃就博士
選豐湖來下帷文昌
星預見元魁應果竒
每欽如玉度設榻慰
相思聲名表

炎嶺薦剡達 彤墀雲司旋晉陟丹筆迥無私
私幸際 熙明世詢謀不限資要樞從此得
將以澤憂嫠嗟予歷艱危孤操誓不移誰為
喻訛者必欲妬蛾眉 天王見萬里萋菲安
可欺復官仍豸使感奮願驅馳抱此坵塞懷
默默靡所之君今惠德音聊爾手一披厚意
何以報遙望鍾山逶

施虎泉戶侯邀賞菊以詩代簡依韻和之

朶朶迎人笑枝枝照日鮮秋光應共老春色
肯同妍含露叢如玉瑩霜質似仙東籬今有
主何假杖頭錢
艷奪朝霞色烟凝碧玉枝繪圖殊未肖剪彩
搃難施肅氣方寥泲東君好護持舉杯忻對
尔重九共心期
主人能愛客把菊日相迎家釀餘香醴盤餐
有落英頓令蕭瑟候翻覺艷陽生楚楚冠軍
第梁園似已成

已促傳花令還催刻燭詩非關厭夜飲猶恐
失芳時晚節堪同競幽襟許共宜君開千日
菊我醉百年卮

題讀書逸處贈鄭冽泉文學

東隅營別業叢薄帶清渠竹裏開芳徑花間
度小輿藥欄緣砌曲芝圃入林舒竟日閒齋
坐常攤萬卷書

蕭然盈畝地日見烟霞生坐柳啼鶯巧懸梁
語燕輕興來千首賦客至一尊傾自詫羲皇

侶勞勞任物情

伯仲論文日心交久不移匣中探寶劍櫪下
奮長鬚 召對吾先忝明揚爾獨逢一朝偕
鳳舉小草不須疑

陪介翁諸叔偕諸弟子姪輩遊雪湖二
首

湖天慘澹霧烟長鼓棹凌寒翠幕張柳絮飛
來投水亂瓊花剪就入卮香群峯玉削驚新
眼諸刹銀封失故疆為憶謝庭當日事一朝

重續有餘光

西湖此日聯家慶雪裏移尊集衆賢三竺烟
雲同黯澹六橋梅柳妬嬋娟仙查似入銀河
去人世疑將瓊海遷不是山陰輕泛棹還看
斗酒賦新篇

瑞雪篇

江南諺云若要麥見三白蓋謂臘前
有三番雪也適歲乏雪農事病焉已
已臘月雪屢見至庚子延三晝夜積

尺餘吾鄉國之所希覲也非大有之
占乎感而賦此

大塊混混若鴻蒙寒威栗冽朔風同初看微
霰飄簷祀俄覩玉屑彌穹窿緩如飛絮凝春
苑粉蝶遊絲弄碧空驟如筵前羽衣舞素娥
欲墮廣寒宮萬里山川共一色頃刻變化呈
天工閒居頓見增風景瓊樓珠葉燦玲瓏詎
比兔園調文墨可是陰山泣犬戎臘前三白
夙稱瑞况乃盈尺天意崇憫此下民沛玄澤

和氣網緼寰宇克三農六穗表嘉穀斗米十
錢何足雄

早春山樓社集得春字

南樓高會值初春便覺盈眸萬象新草木未
全消凍色鶯花有意媚芳辰梅風入座懷高
士稻酒頻斟任主人自此韶光漸增益蘭亭
契事莫逡巡

贈胡龍岡先生應鄉選北上

言十上壯心堅賦就長楊到日邊共羨剖

荆呈寶玉定看啓匣出龍泉西湖徧植春梅
艷上苑行攀秋桂妍從此匡生能遇主門墻
忝竊倍陶然

送廉訪我渡陳公擢南操江都御史

江城父老盡如狂卧轍板轅道路長祖帳星
連迎曉日旌旗雲擁凜秋霜三山秀色供朝
爽八水珍流濯劍光會見江洋烽火息鳳凰
臺上任飛觴

枕上落花嘆

美人帶花眠飛夢入幽燕覺來情默默看花
落枕邊翻身還拾取拂拭有誰憐候鴈今投
北啣花夫婿前

新荷

芳沼泛荷錢陰濃四月天搖風任舒卷亞水
自嬋娟莖弱魚偏戲花含蝶未穿忽聞漁唱
響似棹采蓮船

郭樂泉憲副需次久不補走筆記懷

新春纔度夏欲判無柰韶光迅速換北來消

息胡沉寘南國美人愁未散馮唐已老復何
言安石蒼生方佇看時艱全仗出群才莫因
畝滯空悲嘆叩首 天門倏忽開煌煌 紫
詔承昏旦豸冠重拂隼高飛秋風萬里遊霄
漢問君何以報 主恩所恃胸中有長筭

挽高穎湖刺史

酒龍醉臥不復起羸得詩名滿世間澹泊重
餘五柳宅蕭疎還剩一廬山尋盟到處多知
已問字何期早閉關我昔從君無柰隔茂陵

空對淚痕斑

壽冉山王丈

新詩摩詰可同傳
縱飲人稱醉八仙
西嶼放歌曾次瀾
北窓高卧世情蠲
綵衣日向花前戲
玉樹偏宜祀下鮮
太史漫勞占鳥影
知君懶到帝城邊

飛雲樓聯句吳太常馬通政二年丈見

邀時將言別

初晴携酒共登樓
馬樓上虛窓豁遠眸
顧

晚雲銷紅樹出吳林
塘水浸碧山幽馬清談
竟日非堅壘顧生計
頻年有釣舟吳同是青
春天上侶馬相逢
又喜醉鄉遊吳

飛雲高倚翠雲稠
馬霜氣酣林宿雨收
顧撫景不堪搖落候
馬問盟重繫別離愁
吳登臨且醉青山酒
顧翫骸誰憐白髮秋
馬出處人生何必論
廟堂湖海兩優游
吳

縹緲危樓生白雲
吳朔風湖上坐論文
馬十年傾倒情偏洽
顧一榻流連日易曛
馬更棹

扁舟來別墅
顧每依芳樹
挹清芬
吳浮生往
事
渾疑夢
馬自愛
山中鹿
豕群
吳

卷一終



顧左使集卷二

帛林西巖山人顧言子行著

入燕稿

冬日渡大江二首

十年重覽勝鼓柁向長流風正輕帆穩江澄
匹練浮海門天末見蜃氣望中收詎謂蕭條
候烟光此獨田

潮平飛玉練浪靜放牙樯朝散千峯日寒凝
萬木霜浮雲自今古世事任參商卷幔重披

睡風烟吳楚長

登金山寺二首

大江浮玉從中開一望群山合沓來縹緲渾
疑天柱出崔嵬宛似巨靈栽龍宮晝鎖僧常
定琪樹雲藏鳥亦猜獨有悠悠千古月清光
如水浸樓臺

寶刹珠宮絕巘封波心幻出金芙蓉天空日
渡千帆影山靜風傳兩岸鍾鶴唳帶雲飛白
練潮聲捲浪舞蒼龍憑誰卓錫來居此獨占

江南第一峯

鄒滕道中

去去騫帷望東風報早芳嶧山開嶂巧汶水
引波洗俎豆欽先哲桑麻憶故疆疏泉人似
舊却訝鬢毛蒼

經琉璃河望西山

萬里平沙見衆峯迢迢擁護帝居顯琉璃
襟帶長虹墮金碧雲連紫邏重天府飛翔如
舞鳳西山環繞似蟠龍古今形勝疇能比億

萬斯年王氣鍾

宿都門外積善寺用壁間毛東塘公韻

二首

寶刹麗 皇州停驂此暫遊
分明一色界別自有丹丘
萬慮真堪息三乘幸可求
欲知僧定處蓮漏証清幽

妙覺分禪派依空興亦奇
客窓明月冷僧梵暮鍾移
清夢飛靈鷲煩心澡法池
來朝祇樹上燦爛 五雲垂

送納言周與鹿之田都

暫辭容署出都疆
祖帳春風醉別觴
夾岸花陰迎采鷁
緣堤柳色拂牙樯
鳳凰臺上應題石
龍席峯頭好振裳
獻納舊京知不少
還看補袞濟時創

逢魏南臺憲使話舊

白鶴峯前送別時
韶光荏苒十年期
蜀中執憲山河動
林下居閒喘息支
滄海久虛魚鴈札
玉京重睹鳳凰姿
從今邸舍生春色
無限

離愁取次披

憶西山行

余往為虞部郎行役三宿

茲山迺得縱觀其勝去今一十九載

矣需次旅邸欲續其遊未果也感而

賦之

西山逶迤發太行西湖潏潏水雲鄉霞蒸霧
滃吐虹光沙禽渚鳥泛中央曲房層榭碕岸
張脩竹削蓼暑亦涼蘭橈桂楫動滄浪芙蓉
藍鬪冉冉香碧雲佳麗黃金堂石梁石澗菴

苔蒼峭壁豁呀列兩旁中有真人在上方摩
尼獨叩光寒芒劫來悟得無盡藏脫却色界
遊扶桑饑餐鳳卵飲瓊漿憶昔承乏司空郎
職分西甸葺橋梁三宿湖山醉紫觴 皇都
福地任翱翔一從別去如參商風塵役役歲
月長我今遙望心飛揚欲往不能空斷腸安
得乘蹻仙島傍手披雲霞邀羽裳遐思積願
一旦償傲睨層城隘八荒

長安道

春曉 皇州柳色明百花叢裡轉春鶯晨趨
玉陛鳴珂響朝散金貂嘶馬征甲第星羅
三輔飭車徒雲擁九衢盈太平 天子垂裳
治萬國酺歡起頌聲

自嘲

冬去春來夏半過一裘一葛任蹉跎乍看紫
燕飛還語又聽黃鸝轉似歌濁酒自斟那得
醉青錢頻貸豈能多支離一咲成何事欲買
扁舟意若何

夏日遊張樂野春元別墅二首

誰知城市裏別有小蓬萊野徑逶迤轉閒亭
晝夢開畦栽重秬麥苑匝四衢槐愛此消煩
暑頻傾琥珀杯
鄧林千木萃常曲百花菲水澱依叢薄仙橋
逼翠微黃鸝棲葉轉白鷺貼沙飛坐有論文
客披襟暮不歸

夏日燕居

生平愛燕居喜共靜者處偶然事壯遊移時

歷寒暑朝罷早閉門性僻寡所與蛛絲網飛
蟬杏梁聞燕語觀物有餘適默默心自許博
山凝清烟涼風飄白苧散帙對古人直與羲
皇侶幸以滌煩襟那復論齟齬書空亦胡為
泣岐何太楚吾道本無閔一悟忘爾汝

憲長魏南臺見招同屠春沂憲副陳玄

麓叅伯

故人相聚 五雲邊文酒邀從意氣全憲節
早持卿月曉薇垣重覲使星懸一簾暑雨尊

前過幾首新詩座上傳共荷 清朝推舊碩
棲遲只合草吾玄

贈孫樞渠中翰

故里相辭幾歲時官同吏隱任棲遲龍池染
翰烟霞起鳳閣鳴珂雨露滋手捧綸音宣
帝德衣沾香氣荷恩私憐君每欲傾葵藿退
食從容有所思

中秋許一所博士携具過旅館待月

中秋待月意如何暗雨愁雲鎖絳河發興許

齊東野語 卷之六
渾勞跋涉閒居顧况費吟哦傳杯話舊情彌
洽刻燭談新夜半過安得星槎來柏引與君
天柱覓嫦娥

長安秋興八首

上苑朝來凝曙霜上方更進 袞龍裳金鍾
遙逐金風轉 玉殿偏承玉露光三事大夫
寒曉騎九邊兵甲肅秋防 皇朝自是崇根
本歲運恒餘百萬糧
萬里關山拱 帝朝西風代馬不須驕賢王

款塞綏懷速 聖主垂裳制御遙漢武開邊
何足筭周宣薄伐總難超從今共覩烟塵息
金甲將軍閒射鷗

一葉凋殘天地秋 禁城鼓角動鄉愁砧聲
不斷暮還急鶴唳凌空漏正悠幸有青萍常
作伴更無彩筆事干求沽來濁酒何能醉徙
倚簷前看斗牛

空齋獨對井梧寒細雨淒風枕簟單萬堞參
差雲未散千峯蕭瑟歲將闌賈生吊屈形先

有子集 卷二
敝宋玉悲秋意不寬安得顏蘧論出處無心
舒卷與時安

金臺颯颯起秋風秋水分從天漢中鴈影徘徊
霜柿綠笛聲嘹唳臘梅紅寒衣織就憑誰
寄錦字裁成恨未工會見百蠻齊入貢庾生
不必過哀忡

莽蕩乾坤顯氣來山川迴薄有餘哀青雲不
異吾鄉色黃菊重看此地開試問紅鉛能久
駐須知白髮又相催天涯踪跡原無着散帙

清齋道未摧

香稻灑灑秋正清千門萬戶望西成鳴蟬旅
鴈催商令露葉霜花傲晚榮數仞小鳩飛欲
下長嘶老馬策還征莫將槎落悲遲暮皓首
顏郎自古評

萬山落木氣蕭疎華月飛來對客初一聽鈞
鑪能造物何須龜策卜安居文章豈有淵雲
富韜畧全無頗牧譽半百已過名不立不如
初服反吾廬

再用踈字韻酬叅知鄭壺陽公祖

十年契濶鴈書踈京邸逢迎誼勝初秋興往
投慚下里陽春有和慰離居抗章青瑣天
顏動仗節薇垣浙水譽莫憶故山松菊好請
看 召入承明廬

憲使劉念菴邀同壺陽鄭公集日蹠園
帝里開縣圃相看盡豸冠花陰冬不謝霜色
夏猶寒三徑風流在千秋事業寬清歌能佐
酒徙倚待更闌

送表兄許少崖改任柳州太守

京邸重看夜合花羨君預發柏南車棠陰舊
爰吳中懋象郡新符嶺外誇五馬春風嘶碧
落八龍靈氣護仙槎到來為整絃歌俗莫上
高樓歎海涯

秋日集劉念菴日蹠園次鄭憲使韻二
首

尋花緩步向城西花徑重重步欲迷乍染曉
霜紅樹巢又飛香雨綠園藜邀賓鎮日開蘭

席督課經時治藥畦為問常家天尺五何緣
獨愛碧山樓

荏苒風塵未拂衣獨憐高蹈早忘機松前馴
鶴巡簷舞苑內輕鷗傍坐飛一派清商開旅
思千林佳麗似春菲興來滿引黃花酒潦倒
東籬暮不歸

壽學博朱霞山翁八十致政

呂望當年初遇主公今致政樂西湖春風兩
地饒紅杏秋月扁舟釣紫鱸膝繞芝蘭時正
茂壽添甲子日方徂登山臨水如飛步鳩杖
無勞賜老夫

次韻酬凌雙橋郡伯見懷

經年猶未返江濱忽枉新詩正憶君京邸浪
遊秋漸老故園入夢覺還分亭前散帙消長
晝花裏啣杯對夕曛白社風流如舊否將因
征鴈遶南雲

卷二終



國家圖書館. NATIONAL CENTRAL LIBRARY. TAIWAN. R.O.C.

顧左使集卷三

帑林西巖山人顧言子行著

入粵稿

懷玉山行四首

故國山川盡他鄉井邑分
相看一回首遙隔
幾重雲蟬噪因風送
礧聲近市聞
由來為客者
往往嘆離群

旅况逢搖落
金飈懷玉爍
斷山通古路
合澗響洄流
炎徼烽屯急
江鄉歲事周
撫時多感

慨問俗正綢繆

時海倭入寇閩越

五嶺望不極三峯自嵯峨
藤蘿荒徑合花鳥
茂林多丹竈餘豐草
仙源有欄柯停驂聊欲
憇斜日已沉波

又以分符出還慚浪跡多
江山猶宿昔歲月
自蹉跎用拙存吾道
浮榮付逝波何當反初
服莫待鬢毛皤

桐江懷古

江水雲山萬古秋
却於何處覓羊裘
潮通滄

海電鼉吼雨暗楓林
虎豹出天上客星曾入
御人間漁父更何求
崔嵬雙石今猶昔麟閣
徒勞壯列侯

草萍驛次忠烈孫公韻

艱難國步一身當
汎海由來賴巨航
扶植三綱公自許
從容九死孰云忙
山頭古驛風常凜
澗道長松色轉蒼
幾度停驂增感慨
樗才何計報朝堂

小溪驛次陽明先生韻

重山複嶺抱孤城雉堞參差溪水橫保障人家安鑿飲遮田父老擁旄旌功成談咲蠻烟淨學悟靈明化雨行此日東南亦多事九原不作孰逢迎

儲灘

不入新興地烏知行路難危檣穿石壁駛溜引江瀾百丈崩崖挽千灣谷道蟠羅浮在天外那得振飛翰

韶陽道中

桂水桃溪徹底澄迴龍山下勢如崩鈞天韶石微微響宛在羅浮最上層
纔度梅關又幾程梅花不見嶺雲橫江鄉遙隔五千里極目孤山無限情

游峽山寺半雲亭

從來愜幽勝今過滄海東千巒相對峙一水盤其中下有蛟龍窟上方聳霄宮白玉碧琅玕不與人世同笙篳識帝子壇石邀仙翁榴花爛五色丹草鬱蒙茸睠茲一登臨雙袖凌

天風石磴懸危巖披蘿陟芳叢倏然穹宇曠
身在半雲空二禹敞南北孤松桂長虹神爽
覺飛越咫尺若為通山僧勤柏點就裏即鴻
濛金鎖沉幽壑玉環埋蒿蓬去住誠冥漠寓
游何盡窮他年重振羽一咲出樊籠

遊海珠寺

海波吞不盡孤嶼斷中流夜靜潮聲急鷄鳴
日氣浮曉鍾開岸火烟月弄沙鷗樓閣依雙
樹星辰動十洲何年曾度鉢今日幾添籌炎

嶺殊方客風帆一葉舟明珠何處覓祇覺白
雲稠

登鎮海樓高五層

樓閣逼蒼穹星纏遶絳宮灰餘萬劫外身在
五層中蜃氣潮能幻霞光晚若烘秋風生羽
翰步步踏雲空

登浴日亭在波羅廟旁夜半見日

海門峭立一峯晴烟雨初收入望清暢谷光
搖回萬里扶胥春曉正三更僊壇雲淨鳴孤

鶴石岸潮生撼巨鯨萬頃金波如可挹塵心
到此恍然驚

登白鶴峯有感

山頭白鶴已飛去山下長江日夜浮墨沼硃
池含曉霧岸烟漁火傍孤舟玉堂深鎖鶯花
杳炎嶺頻移歲月悠識盡浮生忘去住肯令
清夢到揚州

和陳文惠公野吏亭十韻

奕奕有隣堂周遭列女墻大江吞海嶠雄鎮

控蠻鄉絃誦歌黎庶車書式要荒前麾常奏
凱群醜敢侵疆名冠推三省勲殊邁二郎亭
前花滿徑雲裏鴈孤行曠代音容杳齋心蘋
藻香高峯仍萃律大樹尚青蒼烽火悲時變
支離嘆德涼思公勤仰止願得起甘棠

羅浮道士送僊藥

羅浮道士下山來身著麻衣足踏苔採得青
芝頻自獻稱言親見葛洪栽

辟穀多年體亦癯天關暫出造吾廬慙慙欲

授降魔術道是真僊竹葉符

題李春元讀書堂

寂寂書齋深幾重紅塵不到白雲封看君豈
是泥蟠者一夜春雷起蟄龍

和游可齋公望羅浮二首兼呈陽華章

公

日日望羅浮何殊隔九秋塵容徒自抗騷客
幾同遊鳴鶴棲珠樹飛雲接石樓坡僊今有
約相挈步山幽

海黑暗區宇鐵橋何處躋龍公堪作杖鳳谷
定聞雞福地非搖落雄才好品題巾車如夙
駕從此慰招攜

喜雨

琴堂忽聽雨聲頻便覺盈眸物態新百畝霑
濡田旱魃千林飛灑洗烟塵政乖祇見逢多
青身暴于今可對神豈是陽春還有脚天心
民命總相親

再用前韻酬諸少白二守

有文傳集 卷三
年來群盜羽書頻况復人情世態新炎國無
媒淹拙牧海邦有分浥清塵三農且喜功收
歲十雨須知惠自神賦就宛如雲漢句感時
何以報情親

雨後試諸生

霖雨連朝徧海隅群黎稱說勝還珠曉天雲
霽驅烟瘴新水湖平浴鷺鳧此日文章驚世
眼他時膏澤賁皇都慚予何似誇冰鑑器
識為先雅自圖

夏日策諸生羅浮名賢題余久懷茲山
而未之登也重有所感

道派濂溪與豫章地靈人傑盛冠裳雀翻錦
羽疑呈瑞荔吐紅雲倍送香清晏論文思往
哲迂踈無補滯遐方也知特少登山屐咫尺
羅浮尚渺茫

聞警

邊郵傳羽箭風雨暗鵝城戍鼓村村急狼煙
處處驚幾年虛晝市何日復春耕乘障心徒

有乃在集 卷三
切終軍好請纓

負海一城狐殘黎日待舖程江方禦鱷阜嶺
又驅狐堂圯餘生忝時艱長吏辜樓船未東
下好自慰樵蘇

時予出治兵
郡堂晝墜

寄邵甘澤憲使

颶風來萬里閩粵共煙塵斥堠緣閭井桑田
半棘薪長城依海徼久牧負循民佇望徒惆
悵王師未卜旬

軍門出師東征靈雨呈瑞敬賦

貌貅十萬勤東伐號令嚴明神鬼驚白兔遶
牙祥稔稔黃雲照幕氣盈盈長驅狸穴歸成
筭直掃妖氛頌太平更是精誠能感格預看
靈雨洗 天兵

贈督府百川張公平寇敬和原韻

積瘴橫氛孰為蠲 王師無敵靖南疆壯猷
自昔推元老凱奏于今屬上賢席帳靜懸炎
嶺月霓旌早蕩鱷溪烟 聖朝又見恢荒服
共紀將軍題柱年

南唐書集 卷三
閩外臨戎更 賜弓會看六月肅霜風 天
朝上計威懷遠 祈父全才文武雄 四馘元渠
誰不羨 三旬勝筭孰能窮 從今海國來重譯
却愧無文頌九功

贈侍御利見齋菊莊十二景

鶴峯耀日

赤羽飛東陸 嶙峋吐紫煙 曾依學士宅 今映
豸袍仙

象嶺排空

群峯高插天 疑是蓬萊巔 下有婆娑老 遨遊
不計年

白雲晝靜

飛錫今何在 白雲鎮日間 欲知舒卷意 即是

叩禪關 白雲寺
名今廢

烏石風清

有石何磊磊 鬱盤大江東 山川積靈氣 化作
烏臺風

樵歌廓洞

咄咄採樵子出入虎豹林仰天歌一曲柯欄
不關心

魚唱奇湖

遠市復臨湖陂陀三徑迂漁聲起夜半曾到
輞川無

荔圃懸丹

如何紅錦爛偏照水雲鄉報國丹心遠山林
滋味長

蕉林結綠

芭蕉綠滿林懷素擬來尋我偶遊炎國清標
暑不侵

攀霞松閣

飛閣凌雲峯攀霞倚長松知君有丹術軒轅
從此逢

浴月荷亭

一派瀟溪水分從嶺海來荷香共月色倒影
送樓臺

芝蘭夕馥

羅浮本福地燁燁芝蘭芳採之貽同心餘芳
盈畫堂

岩壑秋香

豈不愛春葩種此霜前菊酒杯香氣凝醉取
陶詩讀

遊西湖記并詩

湘泉呂侯以端州同守佐平潮寇振旅還留
惠陽西湖之署風日晴和色象開朗嵐氛屏
息海不揚波余廼葺畫舫挈尊壘邀呂侯暨

龍塘黃君欲吾雷君縱覽焉環山連碧林木
排青溪橋合沓亭翠交映豐鱷迴瀾泗州浮
塔水簾飛瀑漱玉流霞天桂丹楓棲雲遊羽
如拱如躍欲去欲止決漭無垠翁藹萬狀有
目不能用其明耳不能傾其聽者已而萬籟
鳴空輕煙散野樵歸松徑漁唱蘋洲而日落
西山迥乎不可畝矣斯時也歲在壬戌八月
之秋赤壁勝遊雅符歲月蘇堤白鶴仍踵遺
芳且余家本武林今復竊祿西湖之鄉西湖

主人舍余孰任之而况承迎盡僊客哉然則今日之遊其視赤壁何如也方曹瞞橫梁於江夏睥睨炎祚赤壁一捷千古快之蘇子悲其身之不遇而幸其山川之有際是以二賦赤壁三托西湖固其微也今客與予之遇何如哉客廼傲然長嘯超然有得放於中流四顧冥漠頃間忽有小漁數艇鼓枻而來網得巨鯉就舟而獻之于是烹魚進酒飛玉笋流羽觴隨波去住莫知所如颯颯而飄衿者風

也零零而浸體者露也輝輝而寒芒者星也澄澄瑟瑟而如練如黛者水與山也寄託於一葦遐舉於身世逍遙於太虛憑凌乎往哲蓋舉塵世功名且糠粃視之而又奚計乎身之遇與不遇哉啓明在東客謝而去余不能寢既紀其事而賦之詩洞濱渡滄瀛提劍驅蛟鯨來憇橫查舍相邀共一枰雷公霹靂手山谷自文英進艇浮銀海流觴泛玉泓斗酒何所需巨鱗偶就烹素秋四山碧嫋嫋天風

有本集卷三
鳴日暮還野樵漁歌起棹聲芳洲積翠沒烟
景暗鷺城昂昂老東坡占盡西湖名我亦西
湖主兩地若同盟悠然興不淺仙侶况逢迎
此夕復何夕會當壬戌庚異代有知己佳期
喜再并翛然忘去住任爾東方生

登羅浮山飛雲絕頂二首

歷徧千峯與萬峯飄飄直入耀真宮層層綺
閣瑤堦上隱隱丹梯琪樹中瀛海却疑飛洞
口鐵橋猶自落仙風塵容此日方能濯手把

烟霞思不窮

巨靈縹緲隔塵烟人跡由來自杳然瓊液紛
從千澗出石樓高傍九霄懸絳桃花發迎王
母丹竈龍成訪葛仙海外誰如此竒絕何由
雲臥任年年

羅浮山三十景詩有小序

羅浮二山名羅山隸博羅邑浮山本
蓬萊之一峯堯時洪水汎濫自海而
來傳於羅山崖巘皆合而草木不同

有石傳集 卷三
總名羅浮道家第七洞天亦曰朱明
耀真洞天高三千六百丈周五百二
十里峯四百三十嶺十五石室長溪
七十二瀑布九百八十洞一十有八
神湖瑤池藍田嘉穀靈巖仙宅桂樹
珍禽種種萃焉難以枚舉昔人所謂
浹日登眺百未及一是也乃若飛雲
絕頂自大石樓而上巉峰懸壁斷壑
湊流飛磴石橋並容隻屐雖冥搜遐

舉之士輒止半途往往恨之特其偏
峙嶺外少有遊者故登封不及而品
題亦復略焉謂為寰中未見之奇非
耶丁巳春予入粵為羅浮守吏尋以
烽火徵調無虛日越壬戌冬纔一登
覽跡飛雲絕頂日霽風柔萬象浮目
既賦登頂篇二章於是又為三十景
詩第舉其靈勝之最著者亦以見遊
寓之不偶然爾

冲虚觀

偶來蓬閣上身入翠微天萬壑松風起千秋
月露懸踈鐘雲外落野鶴鏡中還玉匣真巖
在齋心禮穉川

葛仙丹竈

丹竈依然在仙踪何處尋關閑青草積徑杳
白雲深古木猿聲咽殘砂獸跡侵却憐塵世
裏辜負採芝心

梅花村

孤村傍山結徑外人踪絕林月正清淒花神
應漏泄春到似先迎歲暮無勞折獨羨籬落
間菲菲點香雪

麻姑賣酒田

憶昔仙娥下曾栽賣酒田靈旗翻曉日茅舍
繞空烟雲母溪常潤青精穀正妍還將天上
種田得在人間

黃龍洞

兩峯終日峙一洞對噴流甘露尋常有金沙

有子集 卷三 十一
邂逅龍歸靈谷響雲出海門秋詎止丹能
就為霖遍九州

蝴蝶洞

葛仙有遺衣石
蝴蝶遺衣所化

石角訪遺衣惟餘蝴蝶飛岩花冬不落洞草
色常菲有伴依仙窟無心戀帝妃葛公應夢
否栩栩向花歸

水簾洞

玉龍奔紫壑雪浪動滇池映日珠璣亂迎風
環珮移水晶穿不就蟾月照相宜為問觀瀾

者濠梁未足奇

樾源洞

懼仙有靈異手植絳樾花石踞雲關隘長溪
翠徑斜漁人曾指點野老莫嗟呀予亦問津
吏相期寄一楂

青霞洞

虛谷色陰陰青霞滿碧林藍田香雨潤藥圃
紫芝森既已避塵網因之披素心淹留不可
去日暮發孤吟

朱明洞

五色雲光合朱明別有天
冷霞眠石榻朝斗滑
苔錢地與扶桑通
山將句曲連玉蟾如可
訪辟穀度餘年

花首臺

為赴蟠桃宴諸仙
五百來雲間雙鶴下苑內
百花開劍氣滄溟伏
歌聲天地回春光常不
改即此是瑤臺

釣鰲石

羅豫章讀書處鰲山
若俯而釣石臨之

巨鰲鎮南陸釣石俯滄洲
石上垂綸杳鰲頭
芳餌收仙禽穿講席
宵月伴書樓一悟澄心
理忘筌任去留

夜樂洞

真人辭北闕天樂動雲躔
星斗寒宵靜笙簧
空谷傳巴渝應失響
猿鶴欲驚眠仙跡由來
異聲聞不記年

軒轅試劍石

神劍試仙家金丹點鑊鉞
空壇瀦法雨斲石

出流霞氣吐虹霓壯光吞海日斜匣中如可
取持以赴龍沙

鳳凰谷

却疑丹穴種出谷應文明瑞氣隨陽見祥風
自圃生琅玕添秀色泉石助清聲倘集仙岩
上聞韶幾度鳴

跳魚石

石水三級而下群魚注
逆之即跳入石甕中

石竇通星宿泓泉躍錦鱗波翻三級浪魚趨
五湖春不羨任公釣寧閒渭水綸臨淵吾有

意活潑見天真

瑤石

高臺六百丈聳出白雲隈靈液鍾瑤石清光
燭上台仙鳧隨鳥去錦雀啄花回遙想青霄
上還聞天樂來

天漢橋

不是天台路如何有石橋雲峯斷復續松徑
近還遙虹跨連瑤島星臨逼紫霄遲疑猶未
度忽見羽衣招

大仙石

八仙飲此流杯池上有遺詩

仙侶集瑰臺清流碧障開藥花釀栢酒池水
咽霞杯一飲扶桑曉添籌大地回遺詩差可
辨半是鎖莓苔

大石樓

重簷四柱人迹罕到

天外聳危樓重簷紫氣浮應憐石室秘誰向
海山求雲濕非關雨宵澄不待秋軒轅騎鶴
至倚柱望神州

君子岩

青峯高插天一望出雲巔雍穆應殊俗丰容
何代賢巖巖陵谷俯肅肅斗星懸欲叩幽棲
意相逢已默然

通天岩

此地即天門全無斧鑿痕手摩青瑣闥足踏
白雲根繾綣懷仙子殷勤謁帝閣三生今有
約疑是舊精魂

仙奕石鑑

石光采如鑑黑白棋子一十有八往來相盪挈之不起

殘棋一局罷蕭瑟萬山秋玉露滴丹桂金風

有本傳集 卷三 十一
吹素裘光寒星欲落石盪歲無休獨恠樵柯
後何人訪古丘

磬石

岩頂之一峯頓起狀若磬
虛粘岩際望之毛骨為竦

女媧鑿不斷一角尚埋雲壁立常依漢峯旅
不戀群天邊田獨鶴岩際送斜曛擊石雲和
動餘音下界聞

仙女岩

岩有五峯狀若
女子拱立然

何年仙女下楚楚立天門似欲迎王母還如
拱至尊乘雲疑有待望闕獨無言不作巫山

夢相期授秘論

蓬萊峰

三山大海外何自一分峰錦羽姿容異琪林
紫翠重金銀鑄樓閣瓊玉出芙蓉弱水不可
泛蓬壺幸此逢

瑤池

王母宴瑤池仙輿動九逵雲衣浸露濕霞幌
入筵垂梅結玻璃實春穠琥珀卮千年一日
度塵世鮮人知

鐵橋

在此上界三峯之下有一女子徒步至此不敢度回首遂失前跡

鐵柱駕危橋閒雲瑣寂寥懸崖萬丈落分水
兩峯遙樵徑苔常滑樾蹊花自嬌堪嗟采藥
女天路不相邀

上界三峯

上界三峯出千巒盡欲低捫蘿搜古道携杖
步丹梯護法青羊臥凌霞白鶴栖山中夜
曉日午不聞雞

飛雲峰

雲峰彌四百翠嶂列層城飛瀑千巖冷浮金
萬壑晴寰中低日月天外渺滄瀛那復人間
世吾將羨達生

別翁雨川二守

平蠻牙鼓出晴川鶴岫龍津迺謫仙迢遞鳳
城霖雨露崔嵬鷲嶺足桑田當年戮力憐同
難此日論心悵別筵北去南來何所定懷君
惟誦白雲篇

雨川先謫判潮州今自開州來惠

別雷欲吾司理

海國蹉跎欲變顏庸才無術濟民艱于公高
第何來晚張翰思鱸已乞還月滿龍川侵皂
蓋霜寒庾嶺度青綸臨岐一曲關山調何地
芳塵許再攀

別李三洲中丞次韻

秋淨羊城雨氣乾紫芝燁燁座中看百年講
德關心切一片征帆別意難海上樓臺春色
早天涯衣劍朔風寒樗材無補匡時計慚負
瑤華贈筆端

出清溪望韶陽贈祁蒙泉年兄二首

聞戒濡行色清溪忽解圍風柔舟楫穩岸濶
瘴烟稀桂水波常碧雲門乳正肥佇看韶石
上獸舞鳳來飛

舊遊懷白下十載隔塵埃我向吳江去君從
粵嶺來棲遲悲暮臘艱劇仗真才莫嘆分携
易相迎咲口開

冬日度梅關

朔風凍雨灑征裳遊子何堪行路忙石壁寒

梅丰骨峭天關孤鴈羽毛颺
瞻雲尚覺高堂遠對月猶驚
客路長一入豫章江日好依
稀水國是錢塘

舟中酬馬松里年丈見寄

茫茫世事揔難知握手頻年
數亦奇豈是長卿遊既倦懸
知安石召如期暮雲春樹思
方切白雪幽蘭調轉奇歸棹
為君多迅速西湖花鳥莫猜
疑

螺川元旦舟行述懷

江水澄且碧津梁起薄烟暮
停白鷺渚早發青螺川依依
陌上柳絲絲陽光懸整冠望
魏闕佳氣何綿延南雲渺無
際佇眄不可前遙懷椒酒頌
恩以贈所天流晷歲超忽客
枕胡能眠歛袂坐中夜我心
方悄悄

豐城觀雪有感

寒威一夜動狂飈應是龍泉
劍氣搖鎔出千山銀作色點
成萬木玉為標蛟湖浪冷妖
馴伏鶴嶺雲同天寂寥何日
更移灑炎國五溪

煙瘴一時消

告風伯

舟次南昌候風遲發於
是為之詞以告風伯

風伯兮猖狂雲飛揚兮虎嘯而龍翔連陰兮
翳翳惆悵兮故鄉其春日兮慄慄洪淋淋兮
怒號長川兮遐阻望南雲兮心勞其海颶兮
山首度雲關兮中洲紛蕩漾兮安適竟朝夕
兮淹田其舊遊兮洪都迅邁兮江之鱸山川
不改兮風伯何尤如有知兮莫任我憂其四

滕王閣

帝子風流高閣開洪都盛會宴群才空江帆
影隨雲去遠嶠嵐光入檻來鳥下王喬曾夜
度榻懸徐孺幾時回豫章靈傑雄千古畫舸
重過一舉杯

人日

令序逢人日他鄉還泛舟寒梅橫石砌殘雪
照貂裘亦有辛盤熟聊將栢酒浮舞衣猶未
試采勝不須鏤

夢瑞香花

癸亥穀日舟中夢遊故鄉

有乃集 卷三 二十四
園中瑞香花盛開粲然浮目芬馨襲
人予佇畝其間如在月宇下醉臥梅
花村也覺而有作

日望鄉園近莊周夢獨賒未披丹桂麗先看
瑞香華彷彿依青蓋芳菲注紫霞誰知廬嶽
種今作武陵花

魂游香國裏身上艷陽天色類靈岩桂馨同
楚澤荃水仙含曉露天女散輕烟子夜春先
報相期馥錦筵

早春即事

乾坤回淑氣萬族變霜姿浪暖輕鷗泛風清
彩鷁移綠歸柳岸早紅發杏林遲信是春光
待還廬正及時

此下還家之作載入西河稿內

小金山二首

鰲負分金島羊城第一關叢芳綠岸遶鬱水
帶潮還梵放魚龍寂臺空日月閒長江占竒
絕此亦出塵寰

昔人傳鉢去誰更覓禪宗大海沉芳月踈林
度曉鍾烟霞曲徑滿花雨講堂逢福地田靈
蹟浮生暫寄蹤

元旦次勞道亭僉憲韻二首

皇家制作陋參何泰運今看億載多閭闔玉
璣開寶曆圖書仙籙肇靈河堯奠初換三陽
協韶石能宣萬象和獨羨春宮詞藻客却從
海表憶恩波

屠蘇栢葉試如何海角偏驚春色多瑞氣日
邊瞻象魏白雲天際渺關河宸樓壽酒千
卮滿故國辛盤五味和兩地愁心誰我共陽
春謾和竊餘波

官舫聯泊有感次方伯林心泉公韻

使節如何淹海濱多年羽檄總驚人蠻村烽
火無休日鄉國鶯花自媚春下榻為因承令
舊方舟更荷受知新艱難正賴全才濟未許
幽懷訂率真

德慶道中次勞僉憲韻

千古江山開粵界四時雲樹鬱葱連蒼梧不
變荆南俗交趾還通嶺嶠烟陸賈受降淹漢
節伏波標柱下樓船觀風有願何能慰喜讀
新詩似湧泉

贈俞虛江總戎出師循州

瀚海元勳誰第一朱崖銅柱幾標名開闢生
繫三千虜仗鉞親提百萬兵論定只今歸上
略功成猶自請長纓西江秋夜輝輝月偏照
將軍細柳營

三水晚泊見漁舟晒網次宋伯石大參
韻

遠水晴波網一彎岼烟渺渺傍舟還春江忽
起滄浪曲清夜常依明月灣乘興敢云非宦
適浮生今且伴漁閒與君不羨任公釣投餌
無心轉解顏

三水晚眺

夙發蒼梧棹今停三水舟暮烟疎岼火新月
照江樓共酌樽中酒頻看水上鷗不須論去

有本傳集 卷三
住良晤託滄洲

煙雨朦朧景次韻

春雨連朝萬象冥
孤舟祇覺夢魂清
山容似醉雲初郁
水勢如奔浪有聲
隔岼幾重芳樹暗
傍沙數點野鷗明
烟霞到處堪行樂
何必沾沾問雨晴

見小舫載花植數本自烟江中棹出

煙雲一萬頃
忽漫有浮槎
綠樹拖芳雨
緋花
袂早霞
只疑來閩苑
不以
波漫欲相

問江濤起遠沙

冷秀亭宴集贈吳帥府
亭在蒼梧

山亭翠嶺抱江流
勾漏山光匝地浮
翠竹碧梧環徑密
琪花瑶草傍堦稠
凌烟畫閣歸飛將
橫海樓船屬壯猷
不獨雄威清瘴嶺
還餘逸興戀丹丘
閒亭下榻羊標迥
勝地開筵禮數哀
香雨沾裳人欲醉
春風入管曲偏柔
黑頭帥府殊傾蓋
白面書生擬借籌
樽俎授成諸將服
笑談決策百蠻憂
建牙霞色飛金甲

卷之三
三十一
別
仗劍星光落錦裘
囑付于今作賦者
由來銅柱勒南陬

卷三終

顧左使集卷四

席林西巖山人顧言子行著

入蜀稿

廣德道中

融融霽色日初昕
况值清明物象分
夾路山花紅似錦
連畦隴麥綠如雲
松屏鶴唳迎車入
柳陌鶯聲拂幃聞
回首故鄉看漸遠
好將離緒訪桐君

宣城道中

新晴春鳥喚雨去
野花穠百里松為逕
千家業作農郊關不設
警國課每先供自昔和柔
俗寧期此日逢

懋青陽公署望九華山

暫懋青陽望九華
九華片片落烟霞
氤氳似覺閭門近
縹緲猶疑帝座賒
雲結芙蓉開福地
露凝沆瀣屬仙家
莫言行後違
登睡衣袂飄飄盡是花

經黃岡少宗伯丘南鎮年丈出餞郊亭

湛湛楚雲開
春卿命駕來
念年纔聚首
一旦促離杯
入蜀行非易
還朝召自催
郊圻楊柳色
把臂共徘徊

當陽三景

觀音岩

分明郵傳道
忽覩一林開
瀑布岩頭掛
娑婆海上來
天花浮寶座
禪影落香臺
試濯清涼水
何須問劫灰

仙女洞

仙女開靈洞輕烟散翠微三門自竒絕萬木
更芳菲碧落金鶯喚清溪玉笋肥誰人能秉
燭此際是還非

宋時有道士秉燭入遊後遂不可復入

玉泉寺二首

荆楚分浮島名山第二竒流泉翻塔影巢鶴
駕松枝殿古蒼苔滑林深曉露滋空中鍾磬
發便覺俗心移

玉屏開上刹碧水護藍田雲逕征衣濕經壇
香氣延珠從泉裏出燈自鏡中懸僧話澆田

久因之悟夙緣

歸夷道中

萬山合沓接巴州絕壁巉巖神鬼愁遲日軟
輿堪遠眺宦情吾獨覺悠悠

初入川東

束髮曾聞益部名寨帷况復值春晴兩江合
注黃金島三峽遙連白帝城疊嶂披雲極徑
出迴溪綠竹麥畦盈崎嶇盡是荆門路今日
翻疑蜀道平

白兔亭觀飛練

玉龍辭洞掛巖巔分得天橫一派泉驚雷光
搖山月轉奔雷聲帶壑風湍飛流何止三千
尺灌溉堪滋十萬田更有星精呈瑞異亭前
長此祝堯年

宿沙溪公館喜雨

何事巴江春旱多石龍雙出偏滂沱詎云山
涓羈征旆須信川靈潤早禾勤苦三農懼大
有徵輸六賦忍橫科憐予亦忝觀風責可乏

當年喜雨歌

沙溪有雙石龍飛出則雨

夏日過中巖二首

三巖無雨滴空翠二水環洲護福田想像石
橋天路迥依稀浮島蜃樓懸月橫江練塵無
染鶴唳松風暑不延便欲乘蹻窮上界山僧
短笛引雲巔

登山忽聽上方鍾碧落烟霞度幾重列嶂爭
誇縣圃色憑虛還憶羽衣容玉泉汲飲方瓊
液石笋排空逼鷲峯安得停驂叩禪衲竭來

何定嘆浮蹤

詠懷酬勞道亭公祖次韻

宦拙安偃蹇久臥西湖湄一朝逐紅塵遠已
徒含悲秋風發天末遊子更孿衣蟋蟀鳴宇
下碓聲動簾幃巡檐看牛斗歷歷餘清輝惆
悵故山遠感慨賦將歸緬思同心友貯望南
雲飛

諸路紛委積兼攝總一堂才匪牛刀運心乃
衣袵將憂勞淹歲月感時懷故鄉達人齊出
處下士徒皇皇唯是稽公懶咲彼浮生忙何
當脫軒冕雲路任翱翔策勲有公等吾道無
摧傷

綠雪亭有懷

此清江東谷教公著雜言處也公文
擬西漢詩準盛唐凡所著述悉見道
之談經濟之實學也官右使歸益崇
恬澹屏居者三十餘年有司罕識其
面士論高之往予謫官臨郡幸一登

龍而公禮之若夙契然者今遊茲地
步茲亭亭竹森然如復覩公之音容
也感而有懷

清戎分館栢臺西翠竹歲蕤拂戶齊儒雅百
年田著述風流一代見評題官閒每媿虛籛
廩邊靜何曾聞鼓鞶玉壘朝朝浮爽氣遙瞻
北闕五雲迷

疆起分戎此一時前賢仰止願同馳行迂祇
覺逢迎少身隱何嫌晉敘遲綠鬢漸因流畧
改赤心肯為世情移懸知老馬非騏驥報主
揚髻亦不辭

初冬鄒鶴山憲長邀遊牛頭山寺并賦

別寺在潼川州

不逐風塵去相邀到法臺諸峯聯壁合一水
抱城迴涼氣侵羅幌天花落酒杯上方堪借
榻蓮漏莫相催

鱣溪分袂後牛首復相逢夕靄田山色晴光
媚客容莓苔僧舍古薜荔石梁封唯是天涯

舊唐書
卷四
佖明朝又別蹤

同范羅岡兵憲宿秋林驛

萬里同官豈偶然更從劔壯逐熊駟溪分翠
竹開芳徑戶熟香粳報有年古驛烟迷涪水
外禪林雲擁玉屏前驅馳不染風塵色好共
悠悠且息肩

春日同潘伯羅野庭馮緯川廉訪徐及

川諸公遊金沙寺

負郭禪林隱翠微錦江霽色照春衣門餘松

竹紅塵遠地入烟霞紫氣依僧榻重重清淨
室客談款款水雲扉良辰且喜饒幽興方外
追隨暮不歸

謁諸葛武侯祠

羽扇綸巾氣象雄蒸祠千古肅高風江流哽
咽三分促石聚神靈八陣工斜谷出屯恢大
計將星忽隕負孤忠獨留翠柏森森在仰止
令人恨不窮

謁少陵草堂

舊唐書
卷四
歲隄林麓一祠崇大雅重開百世功稷契許
身時坎坷江山托興氣英雄浣花春色饒芳
徑潭水清芬映碧空白帝荒城同故壘草堂
猶自揖高風

撫院確菴曾公過中巖有作奉和

四月中丞討叛戎前旌偶詣佛岩崇龍潭噴
作洗兵雨虎谷揚威蕩穴風喚出海鯨開道
路指將石笋擊橫空咲談不用神師力已奏
降城大捷功

出蜀望巫山

十二巫峯景寂悠何期塵世有瀛洲陽臺雲
色自朝暮楚國風流今在不宦跡却憐芳歲
改行踪又見伏炎浮明朝漸覺巴東遠回首
巫峯無限愁

陽邏驛乘風下黃州

雨霽群山出江開大地浮遙分巫峽派直遡
洞庭流鼓檝風為御揚帆跡類鷗興來還吊
古赤壁好重遊

有本傳集

卷四

卷四終



顧左使集卷五

帛林西巖山人顧言子行著

入閩稿

新竹成叢焚香默坐

海外澄平官事稀苑中新竹正芳菲
翁茸帶雨香雲扈阿那隨風綠雪飛
薰謁博爐聞轉妙心驅塵網戰能肥
蕭然不異維摩室直欲叅禪學息機

簡徐龍灣憲使

齊本傳集 卷五
海內才名推七子于今踪跡半沉淪王維得
意趨金闥徐孺忘機淹海閩世事如棋千局
換交情似水百年真與君莫復嗟遲暮幾見
清朝召老臣

武夷道中

峽口群山見分明一洞天松關行處闢竹逕
望來延簫鼓青童引檀真羽士然漸行蓬閣
近直欲探真銓

謁武夷宮

漢祀朱宮古秦年王蛻留丹山開寶地碧水
匯芳洲人去虹橋杳亭高彩幔浮此中爐鼎
在海外不須求

九曲權歌次朱晦翁韻

洞天窈窕集仙靈九曲溪頭曲曲清歷徧香
風携滿袖夕陽歸聽權歌聲

一曲清流權画船浴鳧飛鷺滿晴川大王峯
下笙歌度遙見藤蘿滴翠烟

二曲娉婷玉作峰粧臺猶似飾芳容巫山一

夢無消息惟有煙霞蒼翠重

三曲崖懸不朽船桑田更變幾何年吾今欲
借仙槎去應是山靈也見憐

四曲艤舟望錦巖金雞洞口露華毯當年羽
化人何在芝草桃花映碧潭

五曲紆迴地軸深萬峯環拱護芳林紫陽遺
像依然在要識先生萬古心

六曲磯頭水滿灣道人趺坐掩柴關松林月
冷茶烟淨鐵笛一聲天地閒

七曲清冷玉漱灘隱屏仙掌請君看懸知懶
作金莖獻獨峙溪邊伴歲寒

八曲空明鼓閣開青山綠水自滌洄仙人似
有招搖意管取乘風直上來

九曲周遊不偶然翠微深處又平川居人半
是垂黃髮始信樵源別有天

天遊菴

峯巒迴合處一徑直通天峭壁苔錢滑懸崖
鳥道穿板羅躋絕巘躡磴見平田誤入樵源

去疑從闌苑旋松風發清籟竹澗響鳴絃暫
憇仙巖上因窺靈秘全孤亭雲欲下萬壑月
常懸石鼎餘丹藥香厨供法筵蛻田成五色
氣結任千年雲將時來往天遊此地傳

左轄劉正言寄示遊武夷諸篇兵憲徐
子與蕪惠登山之費今遊茲山而不
得邀二公共之悵然有懷

開函熟誦武夷篇更有分來買笈錢二美高
標凌海嶽惟予僻好亦林泉欲尋石上三生

約安得雲中一鶴傳自是聚星原不易青山
寂寂水涓涓

齋捧行寄別藩臬諸公

來遊閩海未經年為效蒿呼向御前一點
丹心何所獻願崇帝德答重玄

平遠臺前落日催搖搖別緒捻難裁乘風又
作天遊客安得同君取醉回

天遊卷乃武夷
之家高處

卷五終



顧左使集卷六

席林西巖山人顧言子行著

入滇稿

田別同社諸公

為問頻年行路忙又從萬里涉滇疆青尊忍
聽驪歌急彩帙爭飛白雲香臣職驅馳生過
半君恩浩蕩報難量倦遊擬作歸來賦共
醉西湖錦瑟傍

孺子橋

橋在進賢縣郊北
橋廢額存

孺子橋雖廢溪流尚綠漪薦芻行潔已赴榻
報相知俗豈南州舊人從漢世遺高風激千
古憑式有餘師

重經臨江郡有感

一別江城二十年重過又喜歲華妍玉筍佳
氣浮蒼陸樟水晴雲映碧天父老壺漿今繼
繆兒童竹馬舊因緣相看祇益風塵色愧乏
循良似昔賢

經分宜縣

縣山環水繞而水口有輔弼之狀

分宜相業今何在故里山川氣槩全欲識山
川無盡藏鍾靈應屬後來賢

分宜公署中見嚴家沒官鏤金嵌石諸

器物

鏤金嵌石五侯貽總為兒孫樹福基造物冥
冥成一咲馬牛何事世人癡

萍鄉縣懷古

楚王得巨物舉國盡皆疑孔子洩其秘剖決
如著龜博物亦餘事挺此天縱資道大世莫

容楚國何能師彈琴友千古泣麟感當時悠
悠天壤間邑號尚如斯

樾川宮

曲曲春流數畝宮白雲深處翠微通當年雞
犬無消息唯有樾花鎖碧空

樾源洞

莫道仙源始避秦洞中原自不知春漁翁迷
却歸來路千載何人更問津

噴玉泉

竒派分銀漢危巖掛玉繩浮金疑日映飛霞
似風凌出谷聲偏急穿林色愈澄濯纓歌欲
就主節一登憑

鐘鼓洞次陽明先生韻

鐘鼓名巖傳往昔洞中不扣自為聲肖形何
假人工巧靈氣應知造物成南北風烟猶未
息江河世態幾番更先生萬境俱澄徹豈但
區區夷險平

思邈道中

岸岸垂楊迎去節山山桃李咲春風詎知反
復祥柯地都入中原版籍中

飛雲巖

興隆衛北
三十里

嶺岼絕壁俯千松直躡飛雲寄遠蹤一竅空
明涵碧落三峯環向吐芙蓉山僧卓錫棲能
定野老扶藜話正濃乘興探竒忘日暮忽聞
林薄又鳴鍾

貴竹城戍

入貴州境見城堡森列哨戍相望因

思

聖祖開闢之偉功邊臣匡襄之遠略為
國家萬世之慶感而有賦

驅車赴邊徼令節迨春陽澧蘭芬且媚沅芷
何馨香歷盡楚南部祥柯接大荒楊黃傳異
種邛水帶蠻鄉 聖祖掃腥穢天兵出夜郎
一麾南服定首黨盡來王 廟筭圖弘遠勲
臣計久長百城雄保障萬井給屯糧夷類分
生熟嘉謀在翕張三苗來舞羽 帝治享垂

裳不忘車攻義常令四國匡巍巍功業盛歌
咏頌時康

撫鎮羅野庭公宴集鳳嬉堂

九邊經略收時望重鎮提兵屬大賢刁斗不
鳴雲氣護拍揮如意劒光懸錦川下榻憐知
已曲水開尊話夙緣會見蠻方皆底定三軍
日唱凱歌還

喜客泉有小序

在平壩南十里許山麓之半泉不盈

丈清可鑑物有珠自下微微起其始
不多也及聞客宴坐笑談并益之鼓
吹如珠璣湧出汨汨有聲蓋試之不
爽云余惟疇昔督泉徂徠嘗徧觀七
十二泉之勝于泗水有真珠泉者亦
圍不滿丈清冽過之其泉脉絲絲引
出如真珠之散漫無晝夜不增不減
若茲泉之盈縮不常因感而應借名
喜客以洩幽秘此又山川融結之奇

有不可以常理測者感而賦之

靈竇闢鴻濛草木翳荒藐知哉蕉大夫探玄
極幽窈清可矚神形秘能通物表真珠此興
稱盈縮隨所兆容談既紛紛鼓吹亦擾擾本
以無心物何以有心肇大塊司陶鎔竒詭殊
未曉應潮不偶然喚魚詎虛渺停車一暫憇
清聲振林篠旅思因爾舒鑑光吾了了

山亭燕居二首

為愛山亭雨露香秋來造物淨群芳公餘閒

卷千言悟獨坐棲心百慮忘霜肅栢臺閒永
晝月橫松院對胡牀邊陲更喜烽煙息宦跡
何嫌萬里長

山亭處處畫圖中窮徼那知勝地叢琪樹移
來三島種怪峯分得五華工戴星敢忘公家
急退食真慚祿賜豐遙憶 北辰開泰運好
將三祝獻 重瞳

世講錄成次馮南台少叅韻

披圖燦爛羨丹工滇海逢迎世講崇一代冠

裳傳徼外百年意氣動寰中那堪蹇足追名
驥獨倡新詞屬大馮袞袞諸公還努力繪形
麟閣事何窮

陪潘伯方賜谷林象川學憲陳一水觀

菊羅近溪憲副衙齋

庭菊參差種種芳栢臺深處散幽香傲霜坐
見南山色浥露疑添素女粧海外賞心驚序
改尊前雄論忘更長何當青鳥啣書去為取
麻姑醉玉觴麻姑酒出自近溪之鄉諸公嘆其不易致此因及之

九日閩司蕭肖泉邀潘臬諸公登太華

山雨阻不果移酌柳營席間張徹菴
大叅口倡首聯予續成之詞媿不工

聊紀興爾

雨阻登山興移尊向柳營海雲迷寶刹野戍
遲干旌共喜斟桑落還堪擷素英憑闌興不
淺促席意俱傾首宿裁為佩茱萸采作羹誰
云戎馬地且聽管絃聲落帽占佳士簪花讓
後生將軍雅好客析簡又脩盟

九日移酌柳營次南台馮丈十六韻

雲迷太華山雨打盤龍灣江名合流滇池仙嶠聊停

節柴門幸不關綺筵傾壽筭神女舞雲鬟花神

也為出現結佩能消厄餐英可駐顏誰將烏帽

整忽見錦囊斑追古崇三節叅禪悟八還高

樓無別礙色界染諸般咲我仍隨俗惟公迥

莫攀趺跏聽蓮漏公有跌坐小像徒倚伴蘭簡玉潤

疑同調芝榮詎比管皇風欣已暢大雅此能

頡陽勝乾坤泰時平意氣閑深秋花自媚窮

微興非慳宦轍何期合風流許再板威行萬

里表計懾七擒蠻且作東籬會驚時莫泪潛

次林象川年丈韻

人世難逢元日秋任他煙雨滿南樓遷鶯

上苑亩青眼攬轡昆明共白頭幸有百壺添

綺席何須雙鳥到丹丘知君已得餐英術海

屋于今增一籌

秋日聞司蕭肖泉吳雲洲邀遊太華寺大叅李同野張徹菴學憲陳一水與

鳥

碧海晴雲擁上方石橋流水蔭松篁香厨啓
處天花落貝葉飛來舍利光梵罷磬隨秋壑
轉客回僧送虎谿傍危危一閣徒凝望且泛
蘭橈醉夕陽

寺有羅漢閣未登

一碧萬頃亭觀海

瑟瑟山容淨物華亭開翠嶂浩無涯碧波萬
頃瑩如練蜃氣三江曉作霞弱水飛航那可
渡扶桑浴日總堪誇憑高極目情何限安得

張騫一問槎

歸化寺少憇

金馬關前琪樹林攀蘿直向法臺深上方花
雨時能灑下界風塵總不侵按轡郊行還問
俗解衣僧舍謾田吟鐘聲忽送斜陽去明月
遙看上碧岑

大叅李同野邀登簇錦樓觀山茶花

郊外名樓隔市廛山茶且喜鬪春先繁星灼
灼千葩麗簇錦輝輝萬萼妍玉蘂尚饒朱頂

恨碧梅猶怯曉霜前滇中此種稱奇絕興發
騷人醉舞筵

送馮南台少叅齋棒

金碧遙瞻五色雲送君北去正氤氳采風
清譽真無比入告嘉謨迥不群故里定知由
使節主恩應自到江濱驪歌帳外那堪聽
幸有棠陰戀夕曛

送張漸江憲副齋棒

使節翩翩向九重却從萬里效華封趨蹌

似染香烟近拜舞徐看瑞氣濃金鑑有懷期
獻納玉門不閉慶遭逢清華此日應先陟遠
徼徒然慕德容

大叅李同野兵憲湯鳳麓田沼圃邀遊

三塔寺二首

寺在點蒼山之麓

樓臺十二擬蓬萊冉冉風生萬象開春暮翠
屏疑畫列兩餘玉樹已成栽雪峯凌暑千年
色瀑布流泉百轉洄自昔登高須作賦諸公
况有大夫才

舊本傳集 卷六 十一
蒼峯翠壁擁珠宮此日探竒興許同花塢重
重霞作障竹林處處玉為叢謁來古佛垂靈
蹟鼎立浮屠表大空况是普天開霽色風烟
六詔望何窮

呂合驛

相傳此地有仙人
骨今失其處

丹成羽化去塵世任紛紛我欲尋遺跡空關
鎖白雲

遊妙高寺

季夏同方勝谷公出郊省耕偶憇於

此殿中無塵相傳有拂塵珠

並轡衝炎為省耕禪林忽見薄霄橫清泉鑑
面心何染寶殿藏珠塵不生遶徑逶迤深谷
合登樓晴曠遠山明優游歲月慚何補把酒
臨空無限情

西華洞

洞在華山之西春日偕藩叅李同野
張徹菴卜起巖憲副羅近溪都閩蕭
肖泉同遊

舊本傳集 卷之 一 一
洪濠之時自大塊渾沌既分萬象在帝遣五
丁力士何年開十二樓臺所不載從來海外
多丹丘碧鷄金馬表神州華山亦自稱奇絕
別有靈洞垂千秋上懸滴瀝之鐘乳下列參
差之寶階何啻玉泉含輝之不足比柳亦金
星華陽之難儕吾今擬作倦遊客獨于登山
頻着屐洞門無鎖晝常閒拖白攢青景堪摘
紫芝燁燁天花茸茸忽如羽化失吾故封信
矣奇遊不偶然良辰况復集多賢倚天長嘯

遙凝望千山落日擁雲烟

送別卜起巖少叅

溟海風波白晝生離觴此際不勝驚孤忠獨
抱誰能識直道無媒忍遽傾世事浮沉多變
態儒家順逆本忘情 聖朝自有回春令冰
雪翻令傲骨清

宿宗鏡寺禪房

丁丑春三月既望有事於嵩盟州

黃龍山上一禪宮纔得飯依興不窮胃徑藤

羅紛翠影參天松栢卷清風臺高滇海飛帆
渺塔迥浮圖色界空忽聽宵鐘諸品靜千林
月露滴蒼穹

卷六終

顧左使集卷七

席林西巖山人顧言子行著

入黔稿

謁王陽明先生祠

夷方誰使暢皇風
須信先生覺世功
道脉分從鄒魯後
心源悟在陸朱中
旂常勲業垂芳遠
琬琰文章與代崇
欲向龍塲尋往事
巍巍廟貌仰瞻同

聞司顧少川邀遊東山同臬長劉熙臺

潘叅劉幼川二公

徼外東山亦勝遊，憑高况是值清秋。
天空萬里烟光澹，地曠千林樹色幽。
把酒忽驚征鴈度，登臺為聽晚鐘留。
將軍愛客成嘉賞，更喜依劉素願酬。

壽劉太夫人七秩

南極星聯寶婺輝，朝朝佳氣滿庭闈。
龍章已賁三遷教，宮錦仍裁五色衣。
有酒盈尊香正馥，烹魚入饌味偏肥。
岷山錦水增籌筭，寧

獨人間羨古稀

漁磯灣

漁磯灣灣繞徑長，蠻方忽見水雲鄉。
岸柳重遮遠城市，茅亭幾處闌林芳。
山花滴翠迎人笑，野鳥鳴春助客觴。
登麓因知幽谷轉，臨流偏近海鷗傍。
紅塵不到真瀟灑，平楚遙連似渺茫。
為愛磯頭清夜月，數聲漁笛起滄浪。

金丹歌

聞說丹成自飛去，神仙原不愛黃金。
叅同一

書猶影響區區俗骨豈知音世間羽客何其
多剽竊空言訛又訛庸衆智昏不足說高明
之士可柰何今日採藥明日點鉛黃金未成
白鏹棄捐羽士一去不復旋何由騎鶴凌雲
烟讀盡丹經豈是仙六根不淨總徒然誰能
夜識金銀氣長嘯巖阿共語玄

圓通神應篇

方伯劉節齋公祖 曾王父守潭州
時署中有巨樟樹為風所拔取其材

雕為圓通大士像奉之沿三世矣公
母太夫人益嚴事焉年踰九十以足
疾未能出戶一夕夢神掖之忽步履
如舊謂為神應非耶爰有贈言

大木千年靈氣全主人德政格皇天一朝風
拔匪示異妙契圓通有夙緣苦海慈航唯大
士雕成遺像奉祠虔餘慶已徵方伯貴承
恩更羨北堂綿北堂有母逾九秩耳目聰明
苦足疾神為感夢若扶持步履依然罔所躓

補本傳集 卷七
由來作善降百祥况于累世福源長魯侯之
母壽而康再歌燕喜樂未央

致政述懷

予久有歸志時柄國者為同年友而
意弗合言者承其意因槩論列通省
之藩臬長予得報致仕

憶昔丁年叨遇 主遲迴三十二春秋晚來
強半在荒服銜 命何論道阻脩勤宣 德
意心靡逸歷覽名山勝亦收獨念飲河已滿
腹剛腸敢化繞指柔今朝喜得賦歸去唯有
君恩愧未酬長林豐草聊自適總把閒情
托倦遊

卷七終



國家圖書館. NATIONAL CENTRAL LIBRARY. TAIWAN. R.O.C.

顧左使集卷八

帛林西巖山人顧言子行著

還草堂稿

萬里生還歌

萬里生還去旆舒遠辭蠻徼望鄉間兒童拍手相迎咲携得清風被草廬

萬里生還為謝天一門今喜共團圓未荒三徑餘松菊臘酒多釀慶有年

萬里生還幸釋綸尊羨鱸膾逐時新多年不

醉故山月仍作西湖舊主人

萬里生還荷 聖明却從初服度餘生
招尋 白社忘機客宦海風波永不驚

渡錢唐江口占

家世住錢唐頻年事行役閩粵相逶迤
滇黔兩通籍挈舟此往來不記幾晨夕
我今再問 渡永作山中客江風故自清
江月亦自白塵容從此謝與江共一碧

偕田明湖朱春沂及兒輩泛湖遇雪春

沂有作依韻和之

偶集林泉客寒湖凍未消圍爐徐較奕
進酒更加貂點點瓊花散漫漫柳絮飄
新詩差可 敵春興覺偏饒

同雲方四合瑞色忽瀾空玉屑飛來冷
瓊枝望處同穿花迷小棹流影落孤鴻
已盡山陰興何須訪戴翁

集陳柳菴中丞彙草堂詠大紅牡丹分
得微字

名花色獨艷不數綠霏微豈是延州種應知
洛圃稀倚風霞作蓋浥露錦為衣縱飲雕闌
久酡顏覺共飛

咏粉團花分得香字

玄圃移來種團團凝素光冰毬一樹爛玉壘
幾重芳舞解霓裳曲歌迴白雪章更憐明月
夜縹緲散幽香

孟夏集施虎泉戶侯漱芳亭賞花各賦

四絕句

窈窕南隅栽百花閒招野客醉流霞分明別
是人間境何必羅浮問酒家

耽寂知君歲月長獨于花下數飛觴感時莫
惜春光去更有紅英幾樹芳

來尋三徑踏莓苔花鳥迎人咲口開况是將
軍寬禮數高歌一曲謾徘徊

清和天氣絕風塵亭畔花枝刺眼新酒政不
須愁太急已拚酩酊對佳辰

送梁冲宇明府謫任

舊本傳集 卷八
仁侯敷政洽民心三載循良道路吟事出不
虞非自名法緣初創竟從深江城父老板車
轍海國烟霞伴鶴琴盤錯定當成大器林間
傾耳聽微音

擬陶淵明歸去來辭贈少崖表兄林下

一人圖

歸去來兮宦海風波胡不歸慨塵途之役役
更人事之可悲偶咏賦于淵明信素風之當
追將急流以勇退又安問吾行之是與非釋

兵柄以歸幕府解組綬而拂征衣駕一葉之
扁舟鑿出處于幾微翹首吳雲逝流以奔匪

歲之暮歡聚一門室廬無改香月尚存兄別業有

樓香月

兄酬第勸命酒傾樽枕北窓而高臥披

古史以開顏覺世網之能脫幸幽居之可安
豈遺榮而入道抑謝喧而避關嗟天地之一
瞬縱吾生之大觀山川任其變幻雲物聽其
往還乘瀟瀟之良夜弄明月而盤桓歸去來
兮請結社以偕游啓仲蔚之蓬門來三徑于

羊求訪蘭亭以立約佩青裳以忘憂舉文酒
以共娛復危坐而講疇剋以烏角棹以蘭舟
步六橋之芳蹟跡靈鷲之仙丘刻羽而歌白
雪濯足以對清流咲浮名之逐逐適暮景之
休休已矣乎吾幸生逢乎 盛時馳驅既倦
不可留山之南北信所之良朋為知己美景
是佳期督稚子以文課率田父而耘耔玩大
鵬之玄旨賦招隱之逸詩日徜徉于林下以
順吾大化復奚疑

飲湖心亭得山字

湖心亭上絕塵寰合沓飛來四面山涼徹水
晶移月殿香飄桂子落星灣縱觀區宇心無
礙近狎沙鷗意轉閒佳境翩翩身似寄烟波
一棹不知還

秋七日少崖兄集諸社丈湖舫觀蓮

湖上新秋暑氣空扁舟雅集賞心同參差翠
蓋千莖綠燦爛流霞萬朶紅水殿瀟瀟依浦
外香風馥馥入杯中佳辰豈獨蓮堪采宛似

蘇東坡集卷八
五
銀河一棹通

看芙蓉分得開字

傲霜呈艷色兩岸木蓮開
拂水嬌無力含風翠若堆
分明西子醉一似錦城栽
愛此秋光好何妨數舉杯

詠犀杯

蓮瓣形何巧無煩碧作筒
飲能消夙穢詎止敵寒風
不作腰圍貴來供酒客歡
一杯吾在手偏稱

鹿皮冠

九日集同社諸公登凌郡侯山樓

分得吳山一脉幽樓臺縹緲似丹丘
憑闌遠指江湖出捲幔徐看烟霧收
酒對東籬花助笑聾傳洞口鳥知謳
吾儕已作林間客落帽何妨竟日留

送兒學會試

公車今四上何策是先資
匡鼎談詩日揚雄獻賦時
榮華吾已謝樹立爾須期
帝里春

光好佳音幸莫遲

南台馮丈邀飲抱貞軒話舊有作答之
滇海風波今幾年急流勇退羨君賢開山結
社情偏洽抱甕澆花興獨妍不染一塵青玉
案能裁五字錦雲箋于今重訂歸田約歲歲
酣歌雲水邊

池上吟

一榻喜能容膝百壺堪以娛賓池上禽魚自
適階前草木知春

良夜吟風弄月小園種竹澆花紅塵一點不
到白雲飛入吾家
負郭田無一頃連牀書有三車悟却彼中上
乘何須再問生涯
吾道由來用拙閒居今且逃名三徑菊松為
伴飽飯悠悠獨行

卷八終

先大夫西巖公詩集跋語

先大夫西巖公髫年庭受學
于

曾大父澹江翁已復授以詩
賦諸古文詞蓋弱冠而學成

舉進士歷官二京東粵閩蜀
滇黔之間所為詩若文日益
富而性閒適每寄興于吟咏
故其詩為尤富先大夫于宦
轍所經嘗有刻晚而名其集

曰倦遊乃家居諸稿則未之
入也自黔中致政歸方與諸
縉紳先生結社湖山遞相唱
和并詮次所著述成一家言
不二年而奄然謝世矣有志

未就痛忍云哉甲申歲東粵
楊復所太史吊先大夫于其
家不肖學爰取先後諸稿屬
太史編且序之因更以今名
則太史徼書爵意也顧先大

夫督泉徂徠及遊白下諸稿
俱逸不存而所存者亦僅僅
不能無散失孤等失檢藏之
罪悔何及耶不肖學徼

先世寵靈亦忝官白下業已

重梓

曾大父集畢先子之志矣茲
幸遊西蜀副臬司又先子剋
履之地也感今愴昔而所携
集宛在笥中因載拜乞序于

大宗伯棠軒李公公憐而允
之爰以付之剞劂氏集成非
敢謂有加于先大夫也聊以
畢孤等之志耳先大夫生平
文行宦績與夫蓋棺之論則

制詞三錫之郡史諸記傳備載
之乃今又幸有大宗伯之文
在也予小子何能贊一詞哉
謹述其事之始末如右

萬曆二十九年歲次辛丑孟

秋吉旦

賜進士第中憲大夫四川按察

司副使奉

勅整飭建昌等處兵巡糧儲前
南京禮部精膳清吏司郎中

不肖男汝學頓首百拜謹識



國家圖書館. NATIONAL CENTRAL LIBRARY. TAIWAN. R.O.C.